

西園先生文集序



古今著述之家罕有兼長述  
者張皇六合直使千百年故  
實了狀鉛槧之上其心也務  
廣著者幽思鏤塵負雲雨之

知吐文萬牒遺落一切其心  
也務齋一則窳內一則窳外  
拒譚煩而寡要賈達精而不  
博儒林譏之若夫徧探冥贖  
具闔局簡成一家之書衣被  
辭人非博敏天授其孰能與  
於斯文明之氣近在南斗西  
園張先生挺生嶺表先生夙  
承家學弱冠同其介第以春  
秋首雋望重廣川駁歷中外

經濟載之國史而著書與年  
俱積不啻等身蜀向巨達自  
去長史垂三十年潛心典籍  
年踰八十猶手自較書朕徒  
積聚篇卷纂輯爲長未見英  
華之氣謝陳言於旣往開渺  
指于方來也先生有體必備  
無境不研劉氏雕龍之論士  
衡文賦之則提筆并包毫髮  
無恨詎若蛩蛩善草周周銜

冀昔更生通古今之學扶風  
見海內之書京房察風雨之  
占裴楷曉陰陽之術鮮有盡  
美終難大成先生之書出真  
復古人不見我矣當先生奏  
賦平樂觀草明光何減司空  
所歎良史之才卽遂初以還  
當時中丞臺使者不乏交章  
薦雄翦狀度外豈意邯鄲賜  
帛宋玉小言拜雲夢之田大


言受賞所云君山素相之業  
存於新論非耶漢張霸五經  
立教諸生來學市宅其匆袁  
粲領袖一時士懷道蘊義望  
塵而歸或三年而未識年四  
旬而一見余仰止先生久刀  
筆罷閑空讀先生遺書裴裒  
楮墨浩嘆淵海獨惜先生所  
存者著所述斂亡三百年來  
博雅推成都太倉成都之述

丹鉛太倉之迹藝苑卮言先生所述尚存江河之視行潦耳昔人有難王克書繁重云玉少石多多者不爲珍龍少魚衆少者固爲神應之者曰文多勝寡財富愈貧世無一卷吾有百篇人無一字吾有萬言孰爲賢也泰山不崇朝辨雨雨天下非先生疇克當之廼先生所著滄桑之際幾

與所述並佚哲嗣覲仲君好  
學有名能世其家符子抱書  
而趨太常周官不捨海內歸  
朕咸仰靈光有文不朽有子  
不死西園僅以文傳哉明德  
遠矣

康熙四年乙巳春仲月中澣  
賜進士出身前兵部職方  
清吏司主事廣東高州府  
理刑推官甲午丁酉本省

兩闈同考試海昌後學陳  
殿棧拜謨榕溪道中



張孟奇廣陵懷古詩序

天下所豔稱古蹟名勝關之西長安稍東洛陽江  
之南金陵姑蘇錢唐北則廣陵廣陵固東南大都  
會也當大業時淫王輕棄星拱之辰而寄踪此邦  
竭海內之事力以張飾之至唐而建節爲巨鎮又  
以轉運度支之饒益之於是廣陵之富甲於諸藩  
鎮詞人騷客又多爲歌咏以飾之而古蹟名勝燦  
然備矣一敝於五季之季再敝於南渡三敝於宋  
季四敝於元季遂蕩爲烽火戈鋌之場朝暮異王



遺黎孑然始以十萬家稱旣而僅十七家耳以我  
列聖之生息南北之喉吭其盛衰獲稍稍差復然而  
一鹽客藪耳其於大雅未復也南海張孟奇今之  
才子也試於南宮不利奉其大人命游學於吳楚  
間而時時托棲廣陵嘗慨其古蹟之漸湮而名勝  
之不易屈指也博攷之文獻而得二十餘事事各  
有詩詩各有序序則雅而裁詩則麗而婉有賦有  
興有頌有風讀之而蕪城邗溝之巨麗喆士之義  
訓淫主之侈心若在胸臆間矣孟奇過金陵書以  
示余余甚奇之已而走洪中讐以謁汪司馬司馬  
欣然爲雅語弁其首且以屬余曰幸而續我此孟  
奇志也嗟乎孟奇豈以吾二人真能重天下士若  
皇甫之於左生乎哉司馬才高固當予則何所識  
知卽玄晏之釋譏未能賢於太冲之三都也且真  
以爲吾二人重孟奇乎孟奇重廣陵乎

又

庚寅仲春吳郡介州山人王世貞撰

六代更都金陵則廣陵重矣乃隋南幸極汰窮奢

西園不刊  
卷八  
卽一旦土崩猶豔千古

二祖兩都竝建漕江南以奉大農自江入淮此其  
喉舌鹽筴當歲入之什二上西所都彼挾其羸殆  
將與隋鬪靡卽遇孔融何遜豈物揚自如余嘗目攝  
之褊心未化往往望城不入寧輕河汾以干隋孟  
奇三與計偕于斯一息獨行徇偶懷古稱詩大業  
荒亡陳迹猶可僂指姑蘇麋宮此殷鑒在焉它若通  
溝煮海築壘陟岡借曰霸圖猶燭火耳其所西面  
獨廣川一人上下數千百年直將旦暮遇之矣其

詩諸體具備衮鉞竝陳孟奇故受春秋出董新都  
而首舉昔中壘登廣川于伊呂新都推轂亦如之  
以彼其材非直博學弘辭足多也茲出金陵謁王  
元美復過不佞于新都篋中出出新詩則二十章成  
帙矣余方偃蹇東閣屬和未迫廷牛斗之墟則大司  
寇在因頽首簡屬孟奇質之苗西曆庚寅人日左司  
馬汪道昆序

又

羅浮張子孟奇質茂初齡業隳隆弱冠自乙酉之歲

挾冊赴公車試已而再不得志於有司棲遲吳會  
間迺更逾宦歛遵秦淮徘徊廣陵寔久尋江都之  
廢宅追中散之餘聲眺陳隋之遺跡訪煙花之故  
墟搜奇獵異咀華納靈下是墨意廻舒新詞振翅  
發揮造化之微抉摘江山之秘凡爲小序十三篇  
篇系以詩攷古務覈其義勸公辭必類其情清穆素  
艷綺韻繁思足使長吉失步而子安變色固一時  
之雋也孟奇問出示余余爲三復累日昔予長發  
奇於縱遊太白擅靈於攜句以古之詞人未有不

景曜而開文章者乃思燕公謫居思加悽惋右丞  
棲遯句益妍秀斯又得助江山非徒見情篇籍者  
矣孟奇雖少阨於世然繼塵軒冕鞞轡宇宙其胸  
中益吞若雲夢者八九故肥騁意於優逸抒藻於  
偃仰奴僕風騷牢籠奇恠聊希子長之志庶幾太  
白之風昔人謂名教樂地無非得駿之場信夫孟  
奇之詩非竊而工者也孟奇自此奮矣

萬曆己丑嘉平月吳郡趙州用賢撰  
張孟奇歸興詩引

西園存稿 卷之四  
余最宜置丘壑讀歸興詩心有醉焉歸興詩則張  
孟奇懷親而作也余始晤張孟奇携斗酒過余斗  
室話終古盤盂以上事欲袖金匱石室之藏著爲  
不朽深心禹穴之奇已而余二三兄弟視  
寢園孟奇躍焉。

九陵間瞰居庸而探扼塞又有封狼居胥意未幾  
而入鳳凰池矣余以爲彬彬有其文武意在斯乎  
乃七月而有歸興賦歸興詩三十首勇之甚奇之  
甚夫乘而來盡而反者興也在白玉驪駒則不在

鱸魚葦菜玉珂者旅興也葦菜者歸興也旅於外  
者必反其家孟奇解之矣望萱草而瞻南雲令伯  
之情也念春令而歸代鼎夏侯之誥也感穰穰而  
孤騫托椽椽而升遐思玄之旨也孟奇謂我口余  
頭顱儒服時覩宦况若渴今七月纏牽去宦况若  
焚何者余好談天地古今之變而巧宦者教我以  
暗余好爲詩而巧宦者指詩爲瘡余座上客樽中  
酒長滿不空而客戒我毋投轄余尋常行坐處欠  
人酒債而客戒我勿赴賓筵則毋乃以宦爲狂狷

身爲文苑乎吾歸隱矣是則叔夜不堪之態哉  
孟奇歸矣歸而成一家言腐史盲公孟奇三之余  
亦將反余初服就豐草長林若待孟奇以羅浮移  
汶則庶廬笑我矣

巳亥秋八月南州謝廷讚題

又

戊戌之嘉平月余同張孟奇受事西省西省雖開  
官得受麋隄赤管筆爲

天子視草孟奇名籍甚筆端五色官無當孟奇孟

奇乃當此官乃孟奇則屬念太夫人特甚時語及  
輒若心動泪淫淫承于睫間顧入官久始得歸奉  
晨昏具在令乙而又洛工近禁不得乘使者輶續  
臨邛故事孟奇居常鬱邑曰吾戀秩儒一囊粟令  
七十四歲老母倚門問以槁乎無何以病丐去

上憐而予之告孟奇傲裝且歸則爲歸興詩三十  
首以示本懷余讀之無論工藻其鍾情摯而結響  
沈可念也或謂張平子遊京師四十不遇乃作歸  
田賦陶令官彭澤僅八十餘日卽棄去乃作歸去

來辭孟奇年且強仕官七月而以病歸歸興之作  
始且三之乎余惟平子歸以闔禍其遇窮故其詞  
澹蕩而多慨陶令歸以不任折腰其志激故其詞  
散朗而多風今孟奇得以文墨供奉不至執手板  
磬折道傍特以屬念太夫人故遣其歸其情深故  
其詞宛篤而多致歸興諸詩余不知於兩公何如  
乃其所爲歸則衡之窮於遇而陶之托言姊喪其  
緩急相什也客有嘲孟奇噉名且不受貧則余不  
敢知解在孟奇所爲自叙中孟奇足多矣又安能  
爲之足已亥秋孟年第四明孫能傳題

又

余既與孟奇同官已復同病病中憶二尊人及諸  
兒眇在天末不覺鄉思飛揚之甚顧繫於一官力  
不能聚三月糧視春明門外便自萬里何論茗中  
徒托之望以當歸托之人行以當覲乃孟奇獨浩  
然自免去去之日爲歸興詩投余牀前余蹙起讀  
之龍性難馴鷓舉易遠人所謂是孟奇不必是人  
所謂非孟奇不必非孟奇易嶺南若在踴步而余

難一若中我其匏之人也哉孟奇去余鄉心益勃勃飛動忽往來於其區天日間矣年弟西吳嚴自省題

張孟奇然餘艸序

國朝重經義而拙詞賦縫掖生鮮以詩鳴高者籍奏太常始徙而工此業歷下諸君嚴事茂秦非繆也浮慕者多閒習者少茂秦固睥睨一時哉籍甚毗陵褒然舉首宜於書無所不闕乃放逐南歸扁舟暇豫始發篋而耽史記誦讀不能休當是時吉

水羅文恭朝夕與俱上下文恭常以語人亡足恠者自祿利之途有所擅而父兄師友之教絕口不言詩見以爲操瑟於今覆瓿于後無益殿最耳余少獨嗜古昧仕進之門偶一赴公車觀天下英俊南海張孟奇亦以是歲舉于鄉一日披鶴氅偕余遊都而中都人士無不屬目者才情亮拔勝於所聞賦歌稱妙絕也乘春騁望所在留題煙霞滿紙而其僑寓廣陵懷古諸什業已傳播名流隻行千古拜官後著述日富出一編授余余愧不文不足

爲三都重然伏自追念挾策以來海內雲蒸衆制  
鋒起士爭自發憤以揚挖古今吳楚宿儒幾欲避  
舍不數年間蛙聲雜響雅道凌遲向之名相軋者  
才日盡調日卑學日損而孟奇獨馳騁秣畹力追  
古人余旣心辭孟奇爲吾黨光飾安得無片言半  
語序其簡端耶曩與孟奇遊長安社中人士持兩  
家言或尸祝瑯琊依以揚聲或自知其不爲名家  
所與而放言誹詆倚捩先達恐嚇兒曹嗟甌甓身  
州兩集具在晚而彌工曩爾兩家烏能爲經三行

尸祝者固以成其高倚捩者返以攻其短彼所爲  
晚而彌工者未必非吾黨激成之也語不云乎文  
章如精金美玉市有定價亡論先喆遺書妍媸洞  
燭後進者不能與一詞卽後進少年希慕文心置  
休文几案以爲榮耶然元美長養道業之心不減  
休文矣世無雕龍媚之何益子美有云汝曹身與  
名俱滅不廢江河萬古流繇斯以談詆訶先輩者  
亡損彼聲華徒增茲浮薄嗟世路險巇極矣余與  
孟奇高瞻藐四海絕代希蹤安肯傍人門戶借齒



牙餘論互相夸詡然聞善若驚抽揚一介不露才  
而揚已也既嗣宗有遺軌矣識密鑒洞口無臧否  
乃咏懷諸詩縱心條暢聞之者足以為戒而微恥  
難閱風人之旨自在哉孟奇固深於詩大有味于  
余言余故特表詩人之中溫柔敦厚者為孟奇誦  
之乃孟奇之所為詩則所謂市有定價者洛陽紙  
價頓高矣市閱千金懸諸日月願與孟奇共勗之  
臨川謝廷諒題

西園存稿卷之一目錄

古樂府鼓吹曲

朱鷺

艾如張

翁離

巫山高

雉子斑

將進酒

有所思

思悲翁

上之回

戰城南

君馬黃

上陵

芳樹

聖人出



臨高臺

上邪

西園存稿卷之一

羅浮張 萱孟奇甫著

男壽溲甫重梓

孫增城會孫士衡等校  
切黎回吉似

古樂府鼓吹曲

元孫溲甫重梓

朱鷺

朱鷺翔以舞誰植其羽於河之澚何翩翩啜清漣  
穆穆天子億萬斯年

思悲翁

思悲翁翁何悲南山有臺北山有薇我思翁翁淚沾  
裳歲月已徂道路長荆棘滿山川無梁

艾如張

艾如張張於何君子防未然民生在厥初畏首畏尾身其餘幾差毫釐謬千里

上之回

上之回閭闔開鞭六龍遍九域鳴條無風破塊無雨帝力何有油油禾黍

翁離

流離趾中風雨何漂搖朝巢暮巢若不哺  
况爾羸羸不類我誰哺我擁離趾中

戰城南

戰城南城已摧戰城北援不來出門壯士歌虞殯將軍門內肉爲陣北人不用南頭顱擲還將軍換金印今年金印大如斗明年肉陣花兒走

巫山高

巫山高巫水深風瑟瑟日冥冥山中之人杳難尋朝朝暮暮猿哀吟我思君君不知巫山高巫水深

君馬黃

君馬黃臣馬青君馬蹀躞臣馬鳴鳴和鑿躡流星

西園存稿 卷之一 二  
巡遊八極朝紫清白雲不復謠黃竹不復吟縱觀  
日入與日出秦皇漢武空咄咄

雉子斑

雉子斑斑如許出松林穿竹嶼嶷嶷其角楚楚其  
羽呼儔侶啄禾黍咆哮一聲花下來前儔後侶不  
知處

上陵

上陵何美美道路阻且修解鞍喚胡姬脫我千金  
裘胡姬美清揚問客來何方大兒趙平原小兒齊  
孟嘗朝辭市駿臺暮宿閨鷄坊登公堂爲公壽四  
坐且莫誼聽我歌垂手願公一萬八千歲脯爲山  
酒爲海

將進酒

將進酒問青天富兒有酒不解飲貧兒解飲腰無  
錢安得酒泉捲上天中央四時盡傾瀉令我四海  
共醉常陶然

芳樹

芳樹欣欣於何向榮豈知樹有蠹人面如人心葵

齊不把磻溪釣蕭何不食商山芝人生離合會有  
時傾城傾國奚以爲

有所思

有所思思何極山不可梯川不可楫欲往從之伊  
何日望白雲今飛揚嗟黃鵠今翱翔雲去鵠逝兮  
何方我思君君不知中心藏之不復疑吁嗟五有  
所思千秋萬歲以爲期

聖人出

聖人出唐虞際名世應地天泰泰階平閭闔開麟  
游鳳集紛徘徊九重端拱四鬢來遊康衢登春臺  
爾禾爾黍爾筐爾筥十日一風五日一雨

臨高臺

臨高臺臺未傾俯深池池未平行樂且及時誰能  
俟河清曾聞王子喬驂駕白鹿遊層霄千秋亦共  
盡天路空迢迢不如拍浮酒池中右持杯左持螯  
被服紈素長逍遙

上邪

上邪人生難合易離兩心離合誰知之壽命不可

西園存稿 卷之二  
金與石膠與漆兩心如一 心百年如一日

西園存稿卷之二目錄

五言古詩

廣陵董井懷古

廣陵蜀岡懷古

贈竇長卿歸淮南

病懷

寄贈邢子愿太僕

秋山圖

題瑞世靈萱圖

鬱上園中柳

落日望水

飲慈仁寺蟠松下

題游中舍壽母卷

湛華亭告成

園集諧語

枯木竹石圖

虎丘圖

題雲起樓

贈張儀吉

題僧一空卷

病起

又贈張儀吉還錢塘有序

初度日

戊午巧夕

戊午入五羊

羅隱弄錢圖

歸舟紀夢有序

己未除夕有序

題白衣觀音像

八月十六夜

陳集生寫葉齋

題謝大行榮節卷

尹用平八睡詩

關山良跋涉

一符役數卒

有女嫁貧夫

我生何不辰

子遺昔數口

西園存稿卷之二

羅浮張

營子孟奇甫著

元孫紹復著 補關

五言古詩一

廣陵董井懷古

董井董廣人井也廣川既奏策多天人之

言劉更生以為伊呂之儔管晏莫及時公

孫次鄉貴用事於是廣川相江都江都帝

兄乃時時為廣川改容起謝曰桓公決疑

于管仲寡人決疑于君矣廣川明春秋好



言灾異數為主父偃所讒害故復相膠西而廣川益又禮於膠西夫相兩驕主皆為廉直所居而治如此然帝漢英雄主也能得士而獨失一廣川廣川江都矣而又膠西而又中廢為大夫何偃蹇不自去耶至以久當獲罪乃罷去悲夫劉歆乃曰伊呂聖人廣川雖大儒然猶未及游夏班仲堅亦以為然夫仲堅非儒也秦漢以來廣川一人而已知廣川者更生也

大道久淪替蔓草紛蒙茸董生紹典刑白日行太空鳳德無乃衰而生元光中薄宦羈王官豈不思冥鴻挾策抗天人何以取三公微言報千古荒井空孤桐撫之有餘思落日啼秋恐願言載麟筆慷慨齊高踪

蜀岡懷古

此廣陵也陵綿亘四十餘里故曰廣陵或云岷山夾江自蟠塚漢水而北透逕行揚州乃止是為廣陵故又曰蜀岡魏帝丕嘗

西園存稿 卷之二  
觀兵于吳登廣陵故城見江濤洶湧乃嘆  
而退曰嗟夫此天所以限南北也於是橫  
槊而賦臨江之詩

震起筇蜀岡引領望峨眉峨眉從西來青冥鬱崔  
嵬蜿蜒帶徐方介此橫江湄江流日汨汨濁浪相  
翻飛誰云一葦航天險良在茲豈無投鞭志坐嘆  
長波馳驅馬捨之去諷詠東山詩我來秋已晏層  
陰結長坻天寒多悲風白露棲裳衣回視俯市塵  
泗閣何逶迤歌舞殊未央妖麗侔瓊蕤長衢驚華

軒云白煮海歸吁嗟一囊錢顧盼生光輝所以衣  
冠士而亦銳刀錐徂詐紛縱橫難道日以夷坐此  
江淮間世爲禍所滋漢家兩諸侯伊感以自貽厚  
貨誠腊毒况爾愚且媿徘徊蜀岡望咄喏令心悲  
且以一尊酒慷慨送餘暉

贈竇長卿歸淮南

悠悠非遠道冉冉秋已晏素霜夕轉窮檐虛衆星  
爛懽愛旣睽違山川復悠悠緬攬滂岐路傍中情不  
可選

其二

竇生青雲姿少小卽橫鶩四顧寡所諧冥適托玄  
素秋風滿淮南歸詠叢桂賦願言愛景輝慰我長  
思慕

其三

夕寒風自起朗月一何速鑒此將歸人對此籬下  
菊採菊汎新觴停車盡餘漉亦知別心苦不惜益  
反覆

其四

人生如枯蓬聚散何足惜所悲同心人暄涼異川  
塲分手卽前路相思復何益仰面浮雲徂愧彼雙  
飛翮

病懷

涼風微夜起嚴霜結前楹泱泱清且永皓月照堂  
陰餘光薄羅帷起坐彈鳴葉艾芳南山爐對之不  
成聲豈無伯牙弦懦響多悲辛徬徨攬衣起挈帶  
不盈矜煩疴捐體澤容華日以零念此百憂集且  
復抱重衾哀哀雲間鴈嗷嗷隨鳴砧鄰雞苦不曙

擁翅吹長音愴此感物懷胡以滌煩襟美好誰能  
常達哉古賢人願言崇令德千載遺榮名

莫惜東逝川莫揮西日馳誰能弊金石遲速非所  
希聞有王子喬無疆保期願遺我一丸藥云是五  
色芝可以生羽翼倏忽凌虹霓翔翔入荒外千載  
以為期願言從之遊豈惜千金資詎知成認妄徒  
令心力疲一朝經收疾羽翼安所施瑤臺既崔嵬  
弱水亦逶迤子喬誠不死茫茫何所之漆園亦有  
言彭殤與等夷攝慮寡所營冥心理無違俞俞年

壽長此言良不欺

寄贈邢子愿太僕

嚴飈厲商氣纖枯肅寒坻銜羽鳴周周玄雲鬱嵯

峨劉向九俯彼洪河流四運忽若茲朝辭京輦塵

夕宿滄洲滄崩波發輕棹遙遙將何之結交滿四

海誰為久要期躑躅寡所歡長謳伐木詩仰視高

冥鴻哀鳴求其儕韓昌黎猛疊疊走壙獸噉噉失

羣悲所宗慎厥因古人有明規褰裳遵枉渚采采

江上蘼感物惜芬芳將以貽所思投分託金石副

此長渴饑

其二

渴饑亦已長，結交亦相當。聲氣誠應求，胡為天一  
 方。顯顯君子德，追琢克明堂。束髮即登朝，天路獨  
 翱翔。奏賦凌紫虛，攬轡澄八荒。戀此一日養，長揖  
 謝軒裳。矯志在玄邈，冥搜窮羲皇。逍遙翰墨林，高  
 步東西京。班固東都賦叶咳唾成珠璣，毫素奴鍾王。萬卷  
 當百城，誰能問夔龍。虞氏周易叶所嗟懷至寶，無迺迷  
 其邦。時事亦孔棘，馮翊資賢良。我我頭上冠，彈之

向良朋。陳琳大荒賦叶不朽昔有三君，其愛景光。

其三

景光洵可愛，富貴非所求。志士實榮名，哲人慕前  
 脩。念彼麻中蓬，斷金在良儔。所以絳灌朝，徒令賈  
 生羞。竚立望東國，空谷維白駒。焦氏易林叶形影不得  
 親，何以投漆膠。章叶既無凌風翮，道路阻且悠。臨  
 川結遐想，永嘆增勞憂。迢迢參商乖，懔懔寤寐述。  
 所託聲與音，萬里效綢繆。神交自昔然，何必撫塵  
 遊。君臥東山岑，余歸南海頭。一矢期代興，努力共

千秋

吳孝甫以雨後秋山圖并詩見贈賦此奉吟  
汎汎乘流客，泐泐阻脩途。曠秋已暮，斫草露初  
收。晨曦照微雨，新翠薄林旬。吳君老畫師，神理窮  
素紉。對此開心神，爲我掃匹練。渴筆醮枯墨，林岫  
遮隱見。遠峰雙入雲，懸流接層巘。疑有雨鳴葉，橋  
下若濺濺。山寒林未疎，崑復磴頻轉。縹緲臺上亭，  
有客來攀緣。相向話新晴，駐屐聊指點。居然咫尺  
間，意態極萬別。轉變知君丘壑人，此或本來面。兼  
之詞人手，不受俗筆纏。上有五字詩，格律邁騷選。  
煙霞與珠玉，鎔落任舒卷。披對竟日夕，客慮坐來  
遣。携之當臥遊，寶之逾琬琰。

題瑞世靄萱圖壽張母彭孺人五十有一

峻峻花下石，擘擘石上芝。花以喻忘憂，石以喻匪  
移。傍彼三秀榮，侑我九霞卮。秋光正鮮妍，有鳥來  
瑤池。啣此瑞世圖，翩翩集庭墀。珍羞羅芬芳，絲竹  
吹參差。婺彩挂南天，下照萊子衣。娑娑北堂前，偕  
問阿母誰。錢鏗難爲兄，滕有張仲兒。行年纔半百，

其樂不可支長跼進一觴千秋以爲期

鄭司馬輅思謝大行友可蕭給諫損之沈司  
馬伯含朱太史元价鄧明府玄度湯太史嘉  
賓劉孝廉百世畢中舍孟侯徐司馬鳴卿蔡  
司馬元履社集城西隅賦得鬱鬱園中柳  
青陽忽云邁南訛秩炎暉煩蒸厭房櫳美遊城西  
垂風日清且嘉百卉紛葳蕤朱榴照丹楹紅蕖冒  
綠池婀娜拂地條嫋嫋掌中姿濡根蔭華樾春心  
常自持枝枝旣相綰葉葉亦相依流颿弄晴翠綽  
態盈芳墀幸不委道傍攀枝非所悲感此良宴  
念彼朱明移豐景豈不賒成貸理無違貞脆固異  
質榮悴各有時冥心物自愜無爲達者嗤

社集淨樂寺賦得落日望水

紛誼寡游豫延頸瀾澳溜綠楊冠丹閣藻幄吹涼  
颺沙鷗覆芳洲潛鱗動淪漪微波結會陰頽陽抗  
餘暉榮光靄澄練霞綺何紛披疑有赤玉文可以  
告帝謀叶悵彼解珮人翩翩是耶非靈珍物自悵  
冥契誰與期寸陰蹙義鞭赴壑忽爭飛坤情託末

照受景佇光儀

伏日區用孺太史招飲慈仁寺蟠松下同賦  
 赤日行高天炎威一何赫嗟彼執熱人爭言手可  
 炙良朋有嘉招坐我松下石解帶當微風高枝挂  
 巾幘芳醴洽四坐如灌其露液珍羹啜新茗冷然  
 生兩腋瓜果次第陳僧供飯香積高言唱妙理爾  
 汝襟諸劇此樂未曾有一日當十日獨嗟千歲松  
 十雷常百尺茲松乃偃蹇宛若隰中鶩音纈離波  
 紛覆擎枝撐轉欹側汝材既不惡汝影胡不直豈  
 效戚施輩俛仰長跼踖我詞未及終瑟瑟對以臆  
 結根非培塿幸借淨土力既無牛羊患亦免斧斤  
 威我欲高高亭亭神惡忍見逼四面多罡風翹材數  
 摧折卽克明堂用匠石不察識舉世好佞儂抗直  
 亦何益屈身避時勝且復傍階城歲寒自堅貞可  
 屈不可易撫物興長謠一唱三嘆息始知全天年  
 伸屈各有適吾黨多直躬茲語共記憶

題游中舍壽母卷

鬱鬱岡上梧亭亭梧上日有鸚紛來翔共鼓如干



翮時聞足足音宛頸相頰頡朝飲玉池津暮餐琅  
玕實將期百歲諸何當垂羽翼翻身入高冥孤雄  
重悽惻嗷嗷青雲端何以叶琴瑟幸有丹穴雛翻  
翩儀 帝室振羽金馬門德輝覽八極靈鳥瑞文  
明 帝心滋悅懌龍章薦翟禕賁此松楸色願言  
撫鳴琴載賡姬公什跼進一觴酒我艱荷永錫

湛華亭告成志喜

亭在園東南隅卽榕溪東折處古木森挺  
輒從溪流按以地文則園之東鍵也月午  
日高浮光倒影瑩朗澄澈沁骨洞心亭構  
其上若臨鏡焉昔人麗句水木湛清华古  
今膾炙豈千載之上能知園公有此亭乃  
爲此麗句相標榜耶故亭曰湛華蓋實境  
也然其岼善嚙帖石防之被以叢篠襟以  
芙蓉清华倍勝亦歲爲計耳麗句有知自  
當呵護

崑居不在遠川觀不在深濺濺榕溪流抱此西郭  
陰歸來學老圃數畝泓溪之潯爲園日可涉所苦荆

與榛不辭斧斤勞始愜濠濮情鬱鬱東南隅蔭彼  
嘉樹林淳流鑒新翠洞徹瑩心神水木湛清華此  
語古所欣構亭僅兩肘四檻何森沈匡牀三兩客  
坐窄情易親何必列長筵斗酒時一斟開牕見溪  
月乃在南山岑亭小月常滿濯濯如壺水老圃背  
我語番堂戒千金怒流數侵岼能不虞騫崩我亭  
如蝸殼不與溪爭齷怒者日自怒侵者日自侵會  
心在今日來日非所營莊叟有微言誰爲虧與成  
汝亭幸自愛老圃不可聽

園集諧語

此爲社中二三布衣交語也若冠蓋貴人  
儼然臨之則衣裳且顛倒矣敢諧語乎

昔人請學圃見小於孔氏吾儕本小人敢諱小人  
事古賢好園居往往見書史所務豈皆小亦各樂  
其志嗟予拙已效於世鮮數比旣爲天所窮復爲  
時所棄我生有奇癖自信絕人理善病惡束縛習  
懶厭城市有園名賦閒取義洗淪廁晨昏數清暇  
賓友時亦至俱是素心人敢告素心義相過不在

速頻來莫論次入門不下拜列坐惟問齒坐定卽  
解襟勿復事簪履主人殊草草款接頗有致爐香  
旣芳馥瓶花亦明媚園蔬時不乏旨蓄或數噐有  
牲卽割牲無牲卽蔬食幸能了麪蕪濁醪可常繼  
興來酒莫辭酒盡興乃已獻酬忘主賓呼答惟汝  
爾醉便相枕藉醒復恣諧戲散步互拍肩叫跳共  
把臂謔浪無不有但戒涉些言議里多廣長舌無脛  
走千里我輩亦謔浪彼輩輒猜忌已往勿絮數未  
來勿較計形骸旣盡指冷煖豈宜異細微勿艾蒂  
披瀝窮底裏勿作今人能常有古人意已稱山  
交勿失山林氣此語期不謖久要乃可恃賦閒園  
主人如斯而已矣

枯木竹石圖唐解元最得意筆也圖以自况  
詩以自憇余每展其圖輒詠其詩不勝身世  
之感故復悲其意用其韻而廢和之

不克巨室材不作明堂噐頑碧與枯株斤鑿何由  
至晚節託此君養我浩然氣吾道貴知希勿灑第  
途涕

其二

嗟哉爾畸人信非用世器文章自憎命榮未悴先  
至竄身翰墨間寫此不平氣開圖吊書鬼千載飲  
其涕。

題陸叔平虎丘圖周公瑕有詩

曾爲虎丘王慣躡虎丘山踞石了公牒呼僧款客  
關但尋花影對常載月明還溪綠嬌文縠煙容盡  
玉髮雙龍長鬢蝕一壑自潺湲酒散烏常狎詩成  
雲其閒布金登小果就祿奉慈顏披圖因泚筆往

蹟夢中攀

留題雲起樓爲春野老人賦

僊人好樓居此語我所慕江湖有散人云是伯噫  
甫生長羔鴈羣塵中抗高步青年卽白頭心古貌  
亦古至孝出天性療親割其股兒孫守籬經不復  
問阿堵猶子太史公高足策天踞煌煌閭里間况  
君乃諸父可以驅雷霆可以走風雨胡爲坐小樓  
兀兀榕溪滌朝亦看雲起欲持雲作脯暮亦看雲  
起欲持雲作醺雲起無冬春君看無朝暮問雲有

何佳問君意何取君笑但掉頭佳處難僕數欲識  
看雲意請去問老圃

張儀吉過訪小園以詩見投用來韻却贈

商飈日云厲灑氣轉江汜如何逗微寒猶自蘊  
暑物候乖其常天運靡可恃有客來何方翩翩集  
於此得無呻已交自謂肩可比男兒重肝膽豈復  
憚千里不結堂上鞵不進圯下履欲尋霞外蹤願  
結丘中軌相期拾白石共煮榕溪水對彼東籬花  
坐此嘉樹底窮途交已絕嗟我惟與爾先聖有微  
言固窮乃君子寒暑委天運勿復問行止片語已  
千秋相與窮底裡肯令山水音再入世人耳

題僧一空卷

五月十八日爲歲在壬子園公好午睡日落猶未  
起忽聞剝啄聲門外一僧至開門拭眼看膜拜已  
在地手持友人書云是希葵氏一空卽此僧久住  
廻龍寺畱坐請喫茶絮絮復訛訛聲音似閩人興  
寧毋乃是兩頰暈紅潮米汁想所嗜合掌念彌陀  
開口乞布施袖中出一卷但乞詩與字且乞叅政

公且乞正覺士且乞曾察院且乞韓太史先來乞  
園公幸莫惜牙齒欲遊五臺山不知幾千里遠遊  
有此卷庶當出疆贄園公大搖手爾亦何事此我  
字既不佳詩亦不利市况我老實頭不識爾空義  
既是一空卷何必詩滿紙一空便俱空如何又有  
爾我詩與爾法如餓人放屁不臭亦不響止是走  
閒氣馮山語錄相對共拍掌一笑不能止昨聞隣家哭  
菩薩沒道理隣有一少年極喜作佛事嗟哉三十  
六一病卽長逝欲去問菩薩菩薩都掉臂回頭笑

隣人若亦沒道理斂盡僧人喫錢盡僧人使何益  
我毫毛而望我福庇我非閻羅王豈管爾生死閑  
公聞此言低頭惟彈指爾曾遊五臺亦是沒巴鼻  
五臺有文姝不是當兒戲一空纔出四園公復隱  
儿空來還空去不滿一空意再來乞園公只此詩  
而已。

病起呈謝問病諸君子

老爲病之媒病乃老之祟疾亦子所慎况我六十  
歲精光未銷鑠筋力漸佞何來兩豎子齟齬不

相貸惠我有良朋訊問日至再伏枕未十日帶孔  
寬可賦科頭覽明鏡頓覺顏色改今病有古方我  
病古不載非鬼復非食非外亦非內陰陽兩無傷  
湯硬豈能逮病病故不病治病病乃害鼠肝與蟲  
臂此理良不昧所嗟我西園夏木正蒼葢一日足  
不涉徑艸恐荒穢汎汎載酒船斫斫久相待胡爲  
滯牀第曠此河朔會古云病與貧往往疎朋輩我  
病已霍然朋輩且長在爲語老園下兩豎一辭還  
勤鋤二徑草莫遣遊人礙屐齒猶未折敗笠更堪  
戴招我同心人旦夕共酬對家釀尚可傾願言澆  
磊塊

贈張儀吉還錢塘有序

戊午之夏我生之初也錢塘張儀吉復過  
小園益別五年遠矣手持一詩以壽園公  
敢不九頓第掌不復合袍不復方豈嘗遇  
徐湛之不能無揚州從事之想耶儀吉否  
否渠有援儒入佛借名錢太史者儂欲按  
佛入儒故亦借名釋惠休耳遂相視而笑

兒輩爲之投轄者數日余值病臂不能相  
把入林且有婚嫁之累卒卒言別夫昔之  
來也一宿而覺今之來也三宿而去何去  
何來何儒何佛如彼化人入阿閃國誰爲  
儀吉誰爲園公報之以詩亦酬來美云爾  
嗟君苦行役繫我苦端居端居何所苦身若拘縻  
株行役何所苦茫茫將焉如憶昔五年前君曾學  
珈瑜瘦藤拄破衲懷有摩尼珠詠我笠屐圖念我  
簞瓢塵前無潛與洪氣味蔬筍殊一別雨絕天淵

焉閒君諸戊午夏四月何來意勤渠袖中出新詩  
字字璠與與入雲列聚金石傾耳諧笙竽祝我百千  
歲不爲食無魚再拜忽大笑自憐非故余摩頂已  
勝簪樹頰如棲苴往事勿復道返服尋故墟君誠  
賈浪僊我豈昌黎與何所見而逝殘此千金軀何  
所見而歸還此數莖髮蓬場皆作戲儒佛何拘拘  
我歲已初度冉冉過隙駒婚嫁尚未畢徘徊岐路  
嚮本來有髮僧未乞剃頭書我今欲作佛君胡遽  
歸儒感君遠來意聊復駐須臾老我柳生肘更爲



西園存稿 卷之二  
兒女驅相對阻嘯歌不能朝夕俱君去從何方君  
意將何需出門卽牟腸誰能曳長裾寒暄各異態  
膠漆亦可渝我雖能說項寧無鬼抑掄有書不見  
哈上天誰吹噓所以蕪子瞻擲筆長歛歔明珠必  
按劍不如棄路隅何以塞君望中夜步庭除舉頭  
見河漢歷歷種白榆安得榆爲錢持贈滿君車解  
脫行役苦高枕故園廬分袂更申章效我一得愚  
努力事千秋無負此頭顱

初度日酒罷客退偶讀白太傅首夏詩豈爲

園公而作耶異乎其撰者惟身閒官不輕料  
錢隨月用十字耳余戲易之以書於壁有所  
短有所長吾二人者孰爲前身孰爲後身不  
必暗中摸索也

林靜蚊未生池靜蛙未鳴景長天氣好竟日和且  
青春禽餘哢在夏木新陰成兀爾水邊坐脩然橋  
上行自問有何適無官一身輕子孫盡力教

太傅位高

各完獨艱折嗣故

生計逐日營食飽慚伯葵酒足

媿淵明壽倍顏氏子富貴黔婁生有一卽爲樂况

吾四者并所以私自慰雖老有心情

戊午巧夕天問臺宴集諸君子用韓緒仲太

史來韻

新秋風日好有客停颿輪晴霞渡遠水夕照翻重  
闔睠言金蘭契願結煙霞憐君非避秦人來問桃  
花津入林已把臂何必剋與紳灑酒登高臺笑語  
排蒼旻清夜美遨遊燕衍娛嘉賓威儀何憺憺爲  
樂難具陳三壽既有朋四美亦足珍舉頭望河漢  
乃值鵲橋辰誰云一夕歡我有千年身離多會且

嘉會少意更真數會亦數叛古語聞先民永好期  
千年共此蘭階申

戊午入五羊阻風赤嶺有懷五羊諸君子

去年秋八月曾作五羊遊今年秋八月復汎一葉  
舟五羊杳何許一水空悠悠挂帆乘夜發擊汰遵  
河洲帆開未及飽撼撼西風迺水涸舟易膠野曠  
星漢流白露滿蒹葭落木何飄颻戍鼓迎鼙更新  
寒肅矜稠遙遙同心人乃在天西頭豈曰川無梁  
夢寐不可求攬衣起傍程水鳥羣鳴啾豈亦求其

匹悲鳴不能休胡不擁高枕感此增離憂亦知會  
賸難道路阻且脩同心而離居何以結綢繆再拜  
問河伯爲我謝石尤願俗一帆便道我腸萬周

有以羅隱弄錢圖來乞書者戲筆應之

羅隱豈爾乎形容何落托手弄一文錢腰繫木屨  
杓更有小葫蘆曾否貯大藥簞笠負在背不丁赤  
其脚鬚髻如蓬麻呵呵破口角始知世間人有錢  
若不鎔一文不在手詩書束高閣

歸舟紀夢

有序

已未仲冬浪跡五羊韓孟郁孝廉黃元卿  
太學鄧伯喬文學朝夕過從一日以議復  
五先生舊社見屬曰是議也數十年於茲  
矣今有天幸高正甫太守梁幼寧明府劉  
觀國觀察黃士明宮允李伯襄吉士或巋  
然霧光或翩然晝錦誓代興於一矢抗稅  
苑之前旌文士依以揚聲大雅於焉再作  
誠五羊之奇遘亦千載之一時也二三兄  
弟齊犧旣承馬首是瞻繫五先生幸未墜

地文壇故址儼然具存締巨構而復舊觀  
從先進而詔來學以時考之則亦可矣然  
必乞靈於當事而求友於嚶鳴先生得無  
意乎余謝不敏敢有差池歲暮遄歸請以  
異日臘月三之日解纜四之日宿黃木灣  
鼉更將半輒得一夢有兩客焉衣冠肅若  
偕五先生而至徘徊於舊社之址曰張文  
獻公崔清獻公也頃之亟指虞石王公亦  
惠然登堂賓朋秩秩時則薦紳縫掖鴈行  
嚶至有擗齊而升者有揚觶而揖者有負  
劍而辟呀者續紛雜沓不可指數亦不可  
名狀孟郁三君子亦皆旅進而不佞嘗則  
循墻而走也正爾分曹相與授簡潮聲拍  
枕榜火呼風遂遽然而覺噫亦一奇矣夫  
社議方定於將歸數日之前此夢遽呈於  
社議既聞之後文不在茲乎文不在茲乎  
孰謂此境爲夢境乎因張燈呼筆而詮次  
之得二十韻寄諸五羊同社者客曰是役

也五先生在上矣文獻清獻胡為乎來而  
直指公方報命 中朝在帝左右豈以黼  
黻之章同擊輓之繡與二三子逶迤於五  
先生之堂乎余竊否否夫朱鳥燦離明之  
象南海盛衣冠之氣五先生技雖雕龍身  
常屈蠖非困躓畢世則偃蹇一官至伏斧  
鑕而隕非命者不得當也今地文合天貺  
應文章勳業有開必先凡我同盟當有登  
三事而鵠起繼二獻而龍躍者故五君同  
席而二獻分庭乎况文章司命是為臺公  
不腆齊盟公曰二千石今茲之喜實式靈焉  
其周旋一室以鎮撫多士又何疑哉竊獻  
俚言敢持左券二三人第勉旃無忽

大雅久寂寞吾徒今合并飛揚二三千嚮往五先  
生問水有遺勝躡屣尋舊盟盤墩常左右壇坫復  
經營不失山林氣相關湖海情我遊殊州州君意  
轉繁繁晏歲催歸掉空江聞遠更如何有清夢忽  
漫見羣英寤寐山同調精靈叶至誠曲江會贈錦

清獻共彩纓肅穆栢臺使招搖執苑旌已饒天際  
想亦向夢中迎臭味原冥契機緣卜大貞文昌七  
曜聚執法一星明糾合匪朝夕周旋仗弟兄老農  
堪受後救賦誓專征努力共千古連鑣馳兩京斯  
文在後死我輩且先鳴盛事自不朽壯圖今竟成  
諸君買餘勇先哲藉榮名

已未除夕 有序

博羅之俗女人爲政歲時伏臘宴享饋遺  
皆行於女人而廢於男子雖薦紳家亦然  
不可聞於他國也已未除夕偶讀蘓子瞻  
寄子由餽颯詩曰我欲舉鄉風獨倡無  
人  
和豈亦女人爲政耶時子瞻官鳳翔思歸  
不可得故云爾我輩里居而餽歲之禮卽  
肺腑之親金蘭之好亦不一通何也因步  
其韻併和別歲守歲二韻爲婪尾一佐  
明日肇三陽今夕回五佐卒歲幸優游闔室鮮窳  
偕里婦競豪華餽問無小大筐筥皆備我獨高  
枕卧一介不到門半刺不窺坐無會到長筵食力

西園存稿 卷之二 三  
自井磨辭寒與迎煖共向杯中過閉門覓老句自  
唱還自和 右餽歲

四序遞往來安知速與遲遲固不可留速亦誰能  
追天運自有常吾生亦有涯所以古賢人行樂須  
及時歲功幸品畢不在其與肥歲既舍我去我豈  
爲歲悲兒孫羅酒漿痛飲翁莫辭千秋尚努力誰  
云久矣衰 右別歲

至人存其身一龍復一蛇里俗賤衰老喻訛殊周  
莫辭牀頭有精恠咄咄老鐵槌把舞守此歲老能  
何歎斜歲去已超忽歲來空嗟此衰老勿作道少  
壯休矜誇 右守歲

中元日無邊會白題白衣觀音像

我生不信佛今日始廻向年衰心性慈信根覺漸  
長合掌無邊會寫此白衣像爲語善女人朝夕勤  
供養煩惱卽破除懽喜自無量

佛不度女人女人陰性劣生男與生女此是女人  
茶白衣觀世音法爲女人說欲償男女債此像不

可闕至心誓皈依諸障盡破滅

八月十六夜同徐木之黃元卿黃逢永歐嘉  
可讌會陳集生太史園亭限賦古體

皎皎臺上月濯濯月中柳粲粲柳下人共此一尊

酒灑氣薄疎林振羽在戶牖時序如跳丸所遇忽

非舊今夕是何夕圓兔縮纖縷舉盃問明月盈虧

無乃驟遨遊美清夜秉燭且攜手古人亦有言條

忽成老醜懽會須及時酒旨復餽阜毛詩與厭厭

夜不歸綢繆美且好毛詩與所嗟鳳與麟胡然伏

郊柳禮記陸勗勗哉崇明德共保金石壽

陳集生太史招同社中諸君子再宴寫葉品

主人敬愛客言讌日綢繆尊酒喜重持為樂不可

渝毛詩與中厨奏以方永夜飛觥籌長筵列應徐

意氣橫千秋趨予唱高文薄力非所勗陸機文賦與尤叶

嗟我報木桃敢謂君子仇竟此一日懽追彼千歲

憂詩人重明哲美哉巢與由我躬旣不閱細故何

足疑屈原遠遊與浮叶徘徊步中林羨彼鷹脫鞴滔滔東

逝水河清俟何時毛詩與散髮南山南卒歲同優



將來日幸不少願為影追軀楊方合歡詩與求叶努力共加  
殮咄彼簞與踪吾生亦有涯探已復何求

題謝大行起東太君榮節卷

三從誓一往殺身良不難所貴在成仁一死重泰

山貞哉邦之媛余慕備險艱婦順與母儀慈母為

嚴君箕山棗叶箴箴四十年拮据難具陳楚詞招鵝鵝

出丹穴九萬今以搏駢駢美皇華星軺何間闕我

母訓以忠努力期鼎鉉史孝山出師頌叶忠臣必孝子先

言有遺言舍笑泉下人揭日天上綸道藏叶千秋垂

琬琰芬芳披九垓屈原遠遊叶敢告彼師氏內則此不

刊曹子建怨歌行叶

尹用平同人以八墜詩見示二年矣已未秋

日園居尚寢無覺因憶用平來詩戲筆復

之遂得四章諸君子珠玉滿前西園公瓦

礫繼進者雅終不妨奏曲贖飯亦足解頤

也

人以醒作睡若以睡作醒醒睡亦同否皆非真實

境睜眼與瞋眼旁觀者最審呵呵回轉顧和難到

曉哈臺許璪共登牀

勞生夜不睡君睡半在晝惟君知其白故爾黑能  
守問彼華胥國如君莫須有 呵呵 睡相睡王今我  
是山精水恠任渠忙

眼睡心不睡眼醒心不醒毒蛇在爾室蝙蝠爭晨

瞑 東坡先 胡然君入睡心與眼相應 呵呵 一枰南

岳黑棊子三昧東坡小乘禪

嗟彼世間人車輪滿胸腹夜氣不足存無乃日晝

粘讀君雙門調一枕萬事定 呵呵 延朗垂頭不議

事夏侯攝眼正登山

關山良跋涉次杜少陵新安吏韻

關山良跋涉草木疑皆兵羽書已狎至尺伍皆中

丁 人生十六為中二十為左及關右制挺無留

行蒼頭盡特起赴赴稱干城貧家不惜力富室皆

為俦 說文俦俠也三輔 共說從軍樂蒲路歡呼聲

赴急奮不顧笑指陣雲橫回頭向閨婦為道征夫

情後有霍驃騎前有趙營平賈勇昔摩壘銜枚夜

斫營一日獻三捷執醜還神京采薇詠靡盬江漢

歌明明共拜武功爵不用孔方兄

一符後數卒坎杜少陵石壕吏韻

一符後數卒日出無人行縲紲血淋漓酸嘶不可  
聽催呼怒如虎難訴苦中苦九人餉吏胥一以餉  
征戍一向征戍生九向吏胥勉能免一日刑所顛  
亦畢矣不復完耻命何問長孫子豐年無糠覈終  
歲無衣裙嗟嗟氣力衰逝亾安所歸聞將易子食  
豈免拆骸炊語出腸斷絕飲泣不能咽願言來生  
身永與博羅別

有女嫁貧夫次杜少陵新婚別韻

有女嫁貧夫恩愛豈得長子非倚市門哀哀官舍  
傷昨日子入室今宵淚滿牀生計未及問握別何  
忙忙枯夢無煖律覆盆無朝陽隻身無弟兄高堂  
無翁嫜嗟我中年前豈不厚蓋藏一門九流移剗  
肉代輸將今子幸少艾未言先斷腸子身值幾何  
且易白與黃持以償縣官子請隨人行保我肌膚  
完喜子娥眉揚吁嗟此生別請留半幅裳裹我勝  
下癥見裳如見粧一鳥已遠飛一鳥猶迴翔嗟嗟

西園存稿 卷之二  
結髮恩永作參商望

我生何不振次杜少陵垂老別韻

我生何不振無地可偷安康衢孽壤人家室不得  
完天高聽豈卑低首長含酸田廬鬻已盡皮穿髓  
亦乾數年苦積逋一日當還官寬貸在狐鼠搜索  
盡孀單狐鼠滿城社道路心膽寒棘林有夜哭行  
乞無朝食正供輸差易索羨應常難赦書閣不下  
羣此新恩寬去去難具陳悲來亦多端子逃不必  
問女膏何足嘆涸鮒無涓滴窮猿失林巒囊頭髮  
已禿流血臀常丹衰老復遠適少壯休盤桓風人  
詠碩鼠此語真析肝

予遺昔數口次杜少陵無家別韻

予遺昔數口相對飯藿藜時危日憂生轉徙東復  
西幸未填溝壑不辭困塗泥鋤耰什鄰人荆棘滿  
前蹊故物不可遇四顧常悽悽妖狐作人語飢鳥  
向我啼不見索飯兒轉憶去帷妻有群不敢入有  
枝不敢棲薪木久已毀藩圃無遺畦出門未跬步  
滿地皆征輦四鄰盡驚走豈不苦提携嗟我掉兩

西園存稿 卷之二 三  
臂亦苦去住迷苦賊與苦兵所苦亦等齊拘原空  
爾爲逸國多旁蹊承平知不遠此別休酸嘶無家  
幸有身尚得稱遺黎

幽懷次杜少陵贈韋左丞韻

維天實生我有此七尺身老計久已拙幽懷聊復  
陳男兒一墮地誰非傳舍賓下愚不可移上智本  
有神我自友千古安用朝夕親烟霞日嘯傲泉石  
相比隣不必數鑿坯何必數問津彼已日鑿竅誰  
復能還淳浩浩宦海濶末路多沉淪一飽嘆無時  
一空負駒隙春擲我千金軀染彼萬斛塵吁嗟人間  
世干祿亦苦辛旣枉不可直一屈難再伸胡爲探  
重淵櫻此領下鱗浮榮何足慕行樂自有真物情  
我自諳世態汝自新不識富與貴焉知賤與貧掉  
臂問坦途緩步且退踐往來桃花源果哉非避秦  
振衣躡峯巔濯足榕水濱浩然脫羈絏天子不得  
臣物亦各有性龍性終難馴

西園存稿卷之三目錄

七言古風

廣陵茱萸灣

迷樓

鍾陵道上苦雨

平陵行

黃山歌

揚州夜宴歌

枝園放歌

長安市上歌

漳流竹隱歌

寫崑崙萬松圖

雙壽圖

題蘭萱石供圖

題半百春光冊

壬子人日

正月二十五日賦

乞拙歌

題稀齡得雄卷

白水磔古詩示吉室孫

西園女兒彌月吟

湯泉路頭花

竹素草堂

題海屋橫簫圖

奇石歌

載酒小桃源

戊午臘月立春日

五日龍潭觀競渡

惠州西湖歌

笠獅峯醉歸

旗峰歌

巫霞詩

倩雲歌

垂不漲訪桃源

獻歲三日口號

媿賦荔枝嘆

蘇汝載乞食歌

問水歌

日昇霞舉詩

秋日豐湖宴集田少叅

贈友

送吳明府擢任之建昌

贈曹子野

贈別館宿解帷還寶安

清福圖歌

兵車行

喜長安解嚴

庚午守歲戲筆

吊朝雲墓

甘霖歌

韓宗伯止園賞梅

梅開獨酌次蘇韵

梅落獨酌次蘇韻 鳩逐婦有感

路行難丙子春三月寄懷陳集生宗伯

三月三日用杜少陵韻

楚警解嚴用李長吉鴈門太守行韻

西園存稿卷之三

羅浮張 荳孟奇甫著 男憲孫奎等曾孫士衡等重梓

七言古風一

廣陵茱萸灣懷古

元孫奎等重梓

漢劉渢通海陵舍者煮海故道也今名灣頭  
去城十里

茱萸灣頭蘆荻花秋風高日蒸紅霞夜深打鼓負  
鹽去平潮軋軋鳴歸艇竹西歌吹杳何許垂楊兩



岸黯不語一聲江笛叫江樓嘯斷寒雲不知處

### 迷樓懷古

隋煬帝幸江都嘗語左右曰貴爲君主者極  
• 當年之樂以快其意耳今海內治平而吾一  
人無以自懽幸得曲房隱室與諸美人徘徊  
其間所願畢矣於是高昌進項昇使爲迷樓  
樓成鉅費數十餘萬多設鐘鼓絲竹鏜磬之  
屬妝奩寢衣不移而具擇國中童女子居之  
常數十百人使被罽毼輕綃之衣倚檻飄颻

且欲飛去又時時執名香四隅晝夜不絕  
烟霏霏若雲霧帝乃喜曰卽神仙來遊亦  
當自迷耳可名曰迷樓時大夫何稠進任  
意車方士進大册上官時進烏銅屏王世  
充又盡求江淮間佳麗以侈上意而司馬  
德戡之外起矣後唐公見迷樓曰此皆民  
脂血也遂燒焚之君子曰嗟乎人情之惡  
楊而好李也有弟兄啼唯煬乎哉鮑明遠  
有言千秋兮萬歲其盡兮奚言悲夫

廣陵佳麗帝王州，鳳舸龍輿幾度遊。往事最憐隋  
 大業東來天子幸，迷樓迷樓縹緲垂楊市。飛棟浮  
 甍三十里，千門萬戶紛蔽虧。碧海扶桑宛相似，不  
 數崇霞館。莫擬阿房宮，琅玕飾榭題翡翠。雕簾攏  
 銀臺碧樹杳，何許寶礎方花路。幾重曲曲朱攔金  
 瞰，蜿沉沉綺障。玉盤龍盤龍，瞰蜿吹香霧。飛入迷  
 樓不知處，閣道氤氳白晝昏。惟有春風自來去，春  
 風爛熳春日然。不及迷樓春更妍，但願朱顏頰一  
 國却忘玉樹怨。當年水殿裁淫鬼。師延曲名集羽譜旋

娟燕昭王美人銅龍燒燭鳳金虎，蹙紅媽萬斛熒熒高

照夜銀河倒捲樓頭瀉，醜香帳底花正眠。樓中寶

唯最幸者居含情已望迷樓下。帝嘗題柱上聞來

情為韓俊徵書夜夜下，昭陽紫髯郎將促新妝。世

充民間有女不敢嫁，娥眉婉轉待君王。君王歌舞

美韶華掃天紅粉，凌朝霞坐垂垂。蚤曉猶嫌影蚤曉

能國所負日光不妝對芙蓉不讓花。樓中有人烏銅

屏射香雲裏，珊瑚枕墜金釵小。月下初乘任意車

樓頭欲却司晨鳥。帝雜憶前日笑動上林中藝蓋

名香恨轉凝司晨鳥去莫教啼憐憨咲傍司花女

袁寶索伴嬌嗔來夢兒即韓俊娥皓齒明眸鬪媚無背

儀顧影調鸚鵡呼來如恨亦如羞底迷雲又迷

雨迷雨莫還莫迷雲朝復朝娟娟至春月脉脉聽

春潮春月春潮憐故國一片迷魂歸未得鬼聲夜

半哭潮頭迷樓白日無顏色吳公臺下草蕭疎回

首迷樓春易徂為問彭城數尺帛何如三十六卦

書帝嘗遊吳公臺恍惚與陳後主相遇後主恚帝

日三十六卦書至今使人悒悒不悅帝覺之後主曰後一年吳公臺下相候耳及帝古來成敗

皆如此朝霜秋葉東流水君莫悲南河楊亦莫歌

北地李時道路有楊獨憐歌舞噓作烟血光萬丈

連天紫山陽瀆口悲風是白日欲哀菴雲死我今

醉唱迷樓歌雄劍酸嘶奈若何吁嗟乎啼蛄吊月

絡緯織野燐書舞狐起立澤葵秋老紅蘭泣君不

見咸陽古道中殘碑寂寞苔痕蝕

鍾陵道上苦雨歌呈周韋西明府

今日苦雨昨苦雪武陽古道行人絕春光已送一

月來何事蛟冰猶未折寒烟漠漠草萋萋林花不

放鳥不啼渡口狂濤作人立我來問渡聲酸嘶策  
馬長驅登玉嶺高天未午日已暝輿籜已裂蓋亦  
破不于僕夫泥過脛居人爲指鍾陵城濕雲壓城  
城欲傾羅溪新堤大如線後推前輓空屏營僕夫  
有趾不敢舉踟踟相對黯無語一堤已過復一堤  
咫尺鍾陵杳如許四山昏黑一聲雷電光遶射心  
膽推篝燈欲滅雨復注停車潛伏空林隈我尋魚  
軒幸前發嗟此艱危能自拔入門長跪問母安慘  
淡燈前猶吐舌鍾陵仙吏賢主人授餐授館爲居  
停笑我別來頭半白逢君此日眼能青問余奉母  
將何適母已年衰踰八十載爲卽尚抱闕相逢  
悔棒毛生檄山川跋涉轉躊躇破雨衝泥御版輿  
卽使懷羨長可飽不如歸去賦閒居

平陵行贈孫元亮赴平陵令潘見所尋盟

孫卽孫卽何太奇自言少小能稱詩朱唇白哲美  
如繡向人羞道吳中兒一朝揖我平陵去西風颯  
颯吹禾黍醉來索我平陵歌白日黯慘奈汝何汝  
今行年差三十相逢便作陵陽泣愧我強君已十

歲柄鑿齟齬猶未入嗚呼男兒墮地空兩拳旣不能六翻飛上天又不能摧眉頓項屠酤前長安半席人不借案頭萬卷空誰憐羨爾阿兄亦媿媿咄惜詩名矜獨偉嘯月堂前一杯酒閉戶獨薦黃初鬼爾來亦說難爲見雲間小陸更知冬雌黃不肯落人口白眼獨向青天橫有時臨池鬪兩腕蓬蒿倏忽烟霞亂兒也逸鵠遊春雲弟也勁隼摩蒼漢我來兩載共淹留獨抱炯炯誰能倚淮南竇生最後到肝膈一擲無千秋螺贏滿地不相識獨爲孫卽割其席憐予鑿竅妬高天不惜飛談空碣石四人者胡爲乎爾牛我馬聲嗚嗚秣陵城中亦斗大何物盡此藏旅蘆黃金如陵失顏色蒼精入夜長號呼汝家仲謀已潛遁八公亦向淮南徂么麼此輩何足齒乾地莽莽亦徒爾三尺尖鈎七尺身一片雄心爲誰死孫卽孫卽慎自矜長銖且莫誇平陵吳門市卒今在否隱居山寂泉洲洲一言爲爾破秋色枕流漱石爾亦得桃花仙今問我誰爲道山南與山北

西園存稿 卷之三  
六  
黃山歌爲吳孝父作

已丑冬十月客行入新安結束事探討山水恣盤桓  
桓新安山水天下無一丘一壑皆畫圖黃山白嶽  
稱最勝神仙窟宅幽人境蠟屐曾登白嶽顛芙蓉  
萬朶青真連石楠樹下天門月柳梅庵畔爐峰烟  
高拂爐峰禮白雲一天晴色正氤氳帷蕙帳遙  
相待鶴怨猿愁不忍聞玄帝祠邊逢五老揖余爲  
道黃山好軒轅曾此九丹成白日紅顏羽翼生鼎  
湖龍去非幻妄名山自是饒精靈此中幽勝難具

說三十二峯總奇絕時有幽人自往還金芝瑤草  
森羅列石巉巉泉冽冽萬樹桃花千峰寒雪陰晴  
朝夕態倏忽今紛變換乎秋春窈窕繚繞別有天  
地兮莽不知漢與秦之日月聞此心神覺更開人  
間亦自有蓬萊安得乘風而躡躑今直上軒轅之  
高臺吁嗟婚嫁苦未畢悵望名山空嘆息道路驅  
馳鬢已斑烟霞夢寐十年間幾向吳雲思白岳遙  
從粵海憶黃山黃山主人吳孝父翩翩詞賦凌千  
古藝苑當家六十年曳裾耻與歌魚伍潦倒江湖

一布衣籍甚詩名動公府南浮湘水西入蜀歷七  
閩今徧齊魯足跡名山幾欲半回首黃山繫故土  
已聞白雪滿奚囊更貌黃山在縑素一幅烟霞任  
卷舒咫尺溪山千里餘交遊徧乞瓊瑤句城市何  
殊木石居憐予始作長安客逢君尚滯長安陌老  
向風塵可柰何呼余爲作黃山歌披圖欲問烟霞  
主軒轅丹竈在何許紫芝今正腓白石亦堪煮我  
欲從之遊汝胡爲乎不歸去今日見汝如見山他  
年訪山應訪汝

揚州夜宴歌謝楊崑源太守

廣陵十月寒生魄西風吹雨潮頭白南歸畫舫維  
枯楊曾是當年彈鋏客罌客來何方抽簪出建章  
因過舊遊處更憶少年場荏苒風塵已十年蕪城  
依舊草芊芊幾度吹簫聞月下幾番騎鶴醉花前  
花前月下香難逢却從官閣續遊蹤照日彤幃來  
五馬干霄紫氣合雙龍官閣梅華開未遍官閣主  
人張夜宴好客頻移畫屏行杯不問銅虬箭主  
人詞賦擅瑤華散作蕃釐玉樹花冰壺映月三千

尺棠陰留春十萬家與君恩愛非疇昔永夜深尊  
類促膝傳餐曾贈陸生裝授簡還邀枚乘筆尊前  
雨色正霏微銅盤銀燭照金卮疊鼓鳴鏡喧子夜  
嬌歌妙舞演傳奇傳奇此夕有深意云是破齊燕  
樂毅黃金臺上市驂騑致士猶聞從隗始金臺昨  
日客初歸灑酒登臺淚幾揮何處青山埋駿骨空  
餘芳草怨斜暉興亡自古場中戲當筵一曲君須  
記破齊原是客齊人塵世應憐按劍頻此日相逢  
青眼在他年莫遣白頭新

過韓寅仲枝園讀其放歌卽席次韻賦

有客有客雲林間自言愚公之谷幽人之槃白板  
作扉柴作關一枝之棲安六月息翫翫未戟鬢未斑  
黃金築臺駿骨市掉頭不顧尋空山山前一水秋  
清淺摩天照出東西巖宇衡相望烟火鄰君不好  
遊余亦倦握羽扇掃石牀穿曲徑汎迴塘地僻山  
空日正長西風禾黍送新涼正喜采薇和煮石甕  
來扣角其歌商歌聲縹緲不知處主人原向雲中  
在恐見荆棘橫道生恐聞豺虎當人語竹藏張廖



西園存稿 卷之三 九  
樹種索馳取人間者少攘造物者多寮毀魯丘舍  
尼鄒軻莫將道路嘆蹉跎此生只合置丘壑平地  
何日無風波足有謝公屐門有翟公羅天地莽莽  
濶如許君胡爲乎山之阿共說人生行樂耳醉來  
休問夜如何啼鴉繞霜樹明月墜庭柯

長安市上歌送米仲詔還令銅梁

莫歌蜀道難莫歌蜀道易蜀難蜀易何足云請君  
且看長安市長安市上儂春風轆輻揚鞭處處逢  
繡陌千條車似水香塵萬斛馬如龍玉作雙輪金

作馬左馳右突不復疑開山豈倩靈威伯駕海寧

用無支所

六神名禹得之以辨淫者

自言一生好身手奔騰不

分飛廉後自言舉足盡康莊趨趨直出章亥傍豈

知跬步有反覆夷險平陂原倚伏羊腸鳥道森眼

前何必蠶叢與魚服風塵道路總悠悠前傾後覆

無時休蹄涔慎勿忽衣袂平地往往摧華輶銅梁

仙令米仲詔襆被長吁何擾擾五年三度走峨眉

待馬脂車如製鷄翩翩昨日來朝天兩拳不挾一

支錢安寒兒餒豈暇問尚方旅實寒索然青珠錫

碧旣璀璨瓊瑤鐵鏡七九精研千盤百折幸弛擔簪  
首畢獻明堂前帝傍之鬼問私覲令有兩拳張不  
得舍皇稱貸復破產與吏奸胥猶咤叱白晝鼠狐  
止如此何問階阱與且口獲難行路路行難石棧天  
梯尚可攀春明門內地數尺令我躑躅不得開心  
羨君是帝城人我是帝城客共問帝城樂如何舌  
長咋袞斜灑瀆徒區區畏途尚在長安陌高臺灑  
酒共歌驪颯颯秋風竹馬嘶此日帝城君自見雙  
鳧莫惜更西飛西飛何日過三峽長安回首畏途

多追鋒若出長安市莫忘長安市上歌

漳流竹隱歌爲沈司馬伯含賦贈憶堂老人

玉龍不自玄冥宮推山蹠海錢塘東淨子緯孫裂  
地軸綠髮紫甲排蒼穹金塘城中十萬戶妖紅孽  
翠徒蒙茸稽康骨朽王猷死兎苑草沒淇園空我  
聞漳流大奇絕參差百畝森町疇竹初生田中  
有老人日高卧朱顏緝髮青方瞳有田懶植沮溺  
杖有瓢懶挂巢山松手鋤綠雲種蒼玉敲鱗蒲地  
如磨務毛鷗雷苗不漬康回血勁斡不貫殷辛方

魚腸發匣射天碧，鷄脰脫距醜霞紅。員丘夜半矢  
後機伶鯨，一旦焚崑鐘娟娟入幌，碎明月浙浙拂  
石留薰風。有時白日黑，蛟舞鈞天八份諧。笙鏞木  
德聖人久不王，君家蔓紫何菁葱。君言上帝遣此  
輩，移根萬里來。瀛蓬千年練，實皎如雪的。歷百斛  
光曠曠，鳳凰已下不敢食。錦綉滿縛斑犀叢，一枝  
久已傍帝座。呼吸沆瀣開鴻蒙，敲金戛玉鬼神格。  
九苞一角紛來從，去年穉節更礮礮。南枝北榦皆  
龍從，春雷昨日急奮豫。揚鱗鼓鬣如奔虹，青寧次

第尚羅列，節目不與凡筓同。漳流之上，卽縣圃浮  
筠，振霧聲玲瓏。荆揚不用薦庭實，沅澗何必誇侯  
封。我家老馬頗解此數竿，一榻嘶寒蛩庭荒徑斷  
頸常縮匿影，榛莽何愚蠢。君今避世更好事，停鑣  
轆轤常縱橫。東方朔如陵肯蓄客，飽嚼驅使三雅  
無春冬。阿咸念此語，媿媿令我涎落如機吞。七賢  
六逸我卽一，入林把臂何時逢。倘容根下醉，共  
請君爲製翠華。林筇相期汗漫九垓去，一擲青天騎  
玉龍。

寫崑崙萬松圖壽一崑老人八十

我聞崑崙在西極天地之臍神仙國三城五級十  
二門鶴馭鸞駮千萬億握契仙人好遠遊一朝掉  
臂黃林陬開明奔命陸吾遁却插孤根閩海頭馮  
夷晝立天吳語巨螯欲戴崑崙去老人玉杖詠一  
禪崑崙永作闔天柱萬歲山前紫氣濃老人高卧  
昆崙峯倨佗拊背授真訣獨種雲間十八公萬斛  
明珠千歲實憶昔餽堯堯不食春風日長虬龍枝  
參霄接漢皆千尺凡爲棟兮第爲樑丹青矩矱充

明堂蕊密錦栢亦瑣屑寒河星栢徒夸張明堂孔  
陽聖人喜爲問老人身姓李三錫龍章爵大中地  
上神仙鬱華子杖履煙霞度八十春少微夜夜燭崑  
崙不往人間役徐甲不從柱下作周臣一日餐一  
松一松巢一歲天地爲等期青青長不改孤懸正  
位小春陽木公金女紛翔翔金鑿乍祝齊天壽錦  
里還飛愛已觴羅浮山下金門隱遙向南天稱子  
姪欲隨青鳥獻珍圖且晚綵毫開異境何日當前  
問大還側身悵望崑崙出萬壑留閩海

西園存稿  
卷之三  
十一  
原來未出關

嵩山記千年之  
松其精為青牛

### 雙壽圖為湯太史嘉賓題

開陵城邊江水清，  
垂楊蘸水嚶其鳴。  
錦帆風蒲浪，  
花明鯨鐘鼗鼓何鏗。  
旬皇華使者紫薇星，  
身披宮錦來蓬瀛。  
桐圭在手歌維城，  
鍾山紫氣駐霓旌。  
木公金母紛相迎，  
攜手雙仙地上行。  
伯鸞德曜皆前生，  
阿翁半百鬢長青。  
中天婺彩左憑陵，  
兒未四十亂鬢鬅。  
得已聞絲竹轟槐音，  
沙堤新築立如繩。  
雙仙高閣卧平津，  
案前九鼎羹雲英。  
南山壽酒釀金莖，  
竚看錦絳玉麒麟。  
美飴膝下蘭桂馨，  
問誰致此五福并。  
黑頭宰相湯嘉賓。

題蘭萱石供圖壽朱太史元价母夫人七十  
女皇煉石驅神工，  
三十六鼎燒天紅。  
中有一拳不敢煉，  
孤根直插蓬萊宮。  
頑碧盡雲何律，  
翠睍睍神芝三秀茁。  
瑤膏萬斛挹天潢，  
瀉向孤根種丹棘。  
四垂六跌相新鮮，  
繞足叢蘭春正妍。  
瑤圖已貌邀雲筆，  
共獻瓊林第一仙。  
此圖云白蓬萊至阿母曾頌青鳥使，  
北堂春永已忘憂，  
不為執爨思樹背，  
天南

西園存稿 卷之三  
且誇宜子更宜孫

為韓緒仲太史題半百春光冊贈人

老人往年五十一賀客滿門詩滿帙老人今年五十七復向園公索老筆園公老筆又無花有詩亦是園中蛙不惜新詩韓太史人言一字一丹砂老人老人胡為者兩髻如霜面如赭樓頭歌舞盛繁華門前晝夜誼車馬近說移居向五年清歌妙舞六千場相期一萬八千歲歲歲春光樂未央

壬子人日雷雨大作

去年人日春生色人日今年雷發聲階前雨點大如掌江上雲頭渾壓城攪柳摧花亦太急鳴條破塊何須驚咄嗟晦暝復開朗倏忽燦怒空縱橫田夫爭問休與咎歲事果爾陂耶平逢人兩耳轉絮數揖我一老殊丁寧杜陵詩句誠孟浪天寶治亂由陰晴石濠健吏似餒虎新安點卒如奔鯨人事或亦有占驗天公何必常分明聞言不覺笑一發閉戶但願杯長傾稚兒蔬帖鏤金勝小婦更進膠

牙錫牀頭一瓶餘脫粟鑊底七葉能充羨共付陰  
晴還造物莫將得失較人生

癸丑正月二十五日客有以街談見示者悲  
而賦之

去年正月十九夜豺虎入戶珠地壁今年正月十  
九夜狐狸滿穴何悲號此番報應亦太速吁嗟天  
公無乃勞虎威可假不可久爾狐母謂皇天高夜  
行晝伏胡爲者依草附木攢戈矛豈知厲鬼瞰其  
屋一狐忽化爲神葵雄狐不死雌狐死蕭牆禍起

安能逃人言爾葵亦莫逃天公有眼鬼有脚此日  
明年及爾曹

### 乞拙歌

七夕乞巧古未聞也獨漢宮中綵女皆以  
是夕穿針於開襟樓詳具西京雜記然亦  
自較其巧與否耳天寶遺事荆楚歲時記  
始詳其說至以蛛絲占焉余兒時常戲爲  
之果不誣杜少陵曰蛛絲小人態曲綴成  
果中蓋傷之也故楊朴曰年年乞與人聞

巧不道人間巧已多而柳宗元復欲去其  
太拙乞其專巧嗟嗟柳州之行拙之效耶  
柳巧之效耶歲癸丑余嘗爲巧夕詩八章  
有曰欲問雨雲朝暮事東隣拙婦較偏多  
讀者以爲知言今夕之日雨滂沱矣相傳  
爲雙星灑淚豈佳期當誤卽巧無所施耶  
乃呼兒女輩相率乞拙亦以天孫之巧雖  
多世人之乞已盡又皆爲強有力者所得  
獨留一柳宗元所求去者以畀園公園公  
猶恐得之夫盡也故欲兒輩更乞之以快  
專巧者遂拜而歌之

年年乞巧傳今夕不知此巧從何乞香燈午夜對  
銀河兒女中庭羅粉席三三五五拜深深一拜一  
乞殊慙慙爲問天孫巧多少能否年年贈別人吁  
嗟天孫良亦苦一歲佳期纔一度巧似天孫果足  
誇便應夜夜逢河鼓人言巧亦難移天始知此巧  
不值錢靈妃之巧已如此人間百巧徒紛然舉頭  
細與天孫說你巧胡爲太奇絕七襄難就誤佳期



西園集卷之三  
夫巧方知反成拙相逢日少別日多隔歲相思可  
奈何今宵更灑相思淚鵲橋一雨嗟滂沱請換香  
燈囑兒女前來且聽園公語爾年未及三尺長乞  
得巧來何用處古今巧拙無輸贏有時巧敗拙偏  
成詩詠巢居鳩與鵲問巢終日誰經營天生我輩  
亦不偶拙手拙心仍拙口巧人遇巧鬪難休贏得  
拙人長不鬪巧若鬪拙巧便癡濤聲雖怒石不移  
轟雷噴雪片時息中流一石長崔巍我今乞拙不  
乞巧年來頗識拙之效天孫有意憐拙人一拙須

教贏到老

題稀齒得雄卷賀車宜仲內兄七十舉子

羊鶴山人年七十步履如飛尤健食兩肩覆雪白  
絲絲滿頰渥丹何熠熠人言君是地行仙泉石優  
游不記年曾從芝隱朝黃闕曾向桃康美紫烟山  
喜談內晚歲移居珠海曲拾得蚌胎千萬斛一珠  
外丹術在掌百不憂照乘一珠仍出腹蚌老珠呈莫道遲  
雙珠照耀老傳時携來姪女兩三輩應有金童四  
五兒人世生兒何用蚤我有七兒殊潦倒兩兒已

得兩明珠老年便可開懷抱七十生兒世所稀兒  
較徐卿更絕奇何日挂帆會湯餅爲君再賦少陵  
詩

堪孫追和蘇子瞻白水礫古詩來呈似有可  
教第籬經未窮盤悅是節得無與先生並行  
耶故亦賦而勉之并示臺孫

爾翁少小稱豪縱沾沾筆墨常拈弄雙拳欲碎玉  
筍山一口欲噉飛霞洞自言片語卽千秋追風歷  
塊誰能鞆腹中樣子不合時身外功名何足重一

斥多因七不堪老向空林長抱甕文章憎命古今  
同往事回頭與先色動漢家天子不好文生涯合與  
時人共爾曹慎勿學爾翁空費筆花頻入夢少年  
高足策西安津出門便作城陽送亦知匣裡劍長鳴  
莫惜案頭螢盡凍三冬文史滿腹藏萬斛源泉隨  
地湧野鷺家鷄任爾爲何必人人毛是鳳

西園女兒彌月吟

六○十○老○翁○堪○笑○罵○小○如○日○來○猶○夫○九○七○兒○已○長○兩  
未○婚○一○女○及○笄○亦○將○嫁○名○山○久○待○向○子○禽○更○添○此

女胡爲者。今朝喜說月正彌。命名醜酒祝先祠。兩  
叔五女汝第七。虺蛇之夢來何遲。計女他年諧懿  
卜。汝爺命當七十六。生計老拙田園荒。未必資裝  
有餘蓄。里中婚嫁惟論財。好好醜醜皆錢賄。藍田  
有玉河有鯉。孔方兄去誰爲媒。園公過計尚有一  
人間擇壻亦難識。炎涼世態如奔瀾。崔韋袁呂紛  
接跡。汝姊幸字惠州黎。詩書禮讓超等夷。紳衿不  
失山林氣。荆釵麻布能相宜。但願汝嫁如汝姊。壻  
來亦稱園公意。不必復作官人妻。但得時將鷄犬

至園公猶記古人風。嫁女止賣數株松。我母當年  
歸汝祖。皇皇外祖同知公。綿葛數衣一竹簾。更有  
一詩上記錄。園中慈韭架上書。此是裝奩不爲辱。  
我祝汝聽慎勿忘。老人語言滋味長。杖中鼓子村  
中打。却是人關婚嫁友。小如跪前獨長嘆。阿爺何  
事先煩擾。渠有七兒復一姊。資送貴松豈爲少。  
兒但乞一衣裳。一姊應能贈。瑞人雖擇如我擇。  
壻田間女兒。出間郎再拜阿爺好端坐。若女不作  
賄錢貨。我知阿爺晚景多。叨奉山又添一個園公

擣舌更搖手。此等好事休重做。叶佐汝輩不識王  
右軍。七男二女紛成羣。棄官之季五十二。我季歸  
來亦如是。人言今古兩書精。功名男女皆相似。園  
公涼德不足稱。晚景差已同古人。汝弟何須又出  
腹。汝妹不必重牽衿。明朝急去西園種松樹。為賦  
西園女兒。彌月。唵。

湯泉路頭花

為語路頭人。莫採路頭花。路花可採不可久。路人  
未必皆無家。家中舊花君莫厭。舊花却讓新花艷。

舊舊新新總是花。何事丈夫心易變。東風不管路  
花開。狼藉風前撲鼻來。鋸葉象苞魚子孕。麝臍螺  
甲龍涎煤。我來六月二十六。苦熱驚聞香馥馥。兒  
童採爾如採薪。悔不移根在幽谷。人言路花香異  
常。此花附炎不附涼。天公冷眼正覷爾。且莫紛披  
熱水傍。

歐子建鄧伯喬招同黃元卿李炯客雅集卽  
席探題各賦一體余得竹素草堂走筆却贈  
白雲山前白雲客。竹籬花徑蓬蒿宅。前身當是騎

羊仙今作經生長挾用土木形骸四十強寺衿兩  
袖何郎當有才一石君八十雄名却借陳思王半  
畝一堂名竹素目光炯炯空千古枚生未奏兔園  
詞長門不買相如賦寸心自苦誰得知書淫傳癖  
日吾伊醉歸對月常開卷客散焚香獨下帷堂名  
竹素從吾好海岳精神靈恣探討後世安知無子雲  
富貴眼前何足道只來傾蓋內園公神交十載肝  
膽同文章羨爾真隱鶴湖海愧我非元龍人言竹  
素堂中主回也庶乎空已屢世皆喜富汝喜貧年  
生不用黃金注問君孤注復何如三寸毛錐一束  
書細帙每塗烏寶傳玄亭不惜孔方居投轄開尊  
甬月白四筵盡是文章伯珠璣咳唾玉屑霏談天  
鄒衍雕龍更邏拉園公將奈何瞪眼惟知捲白波  
相逢一掬千秋淚灑向人間誰更多

題海屋橫簫圖壽翟寅未襟兄老親家六十  
有一

戊午立春纔五日南極一星高燭熠光鐙直射豐  
水湖爲昭華堂開綺席華堂綺席祝岡陵老人星

是少微星家聲不墮文侯相世業仍傳廣漢經漢

中唐漢崔子超累世皆以毛氏詩著聞憶我當年諧鳳侶邯鄲道上

吹簫處君生半載我亦生更喜逢君為友壻君如

隱鵠我如虹君今雙鑠我龍鍾若問畫眉京兆筆

空慙借老鹿門翁女擇婿今兒擇婦玉種藍田持

作斧朱陳幸結舊那譚泉石尋盟新肺腑老我多

年已毀車羨君此日尚冠儒錦纏數入徐娘館泥

飲頻傾孫楚罇呼兒移棹携春酒登堂酌酒為君

壽嬌歌妙舞酒千巡綵筆瑤圖歌一首圖中仙十

此春潮獨跨蝦蟇弄玉簫但得千秋長對酒何須

一品更當朝白鶴峰頭春正好南飛一鶴來蓬島

傳言海屋正添壽歲歲花前人不老勸君更進紫

霞觴玉簫吹月奏霓裳願君努力三萬六千日與

君同醉三萬六千場

奇石歌

余最嗜石不能數得奇石偶購一石委諸

叢莽中不知其奇也戊午品花軒成偶有

山師過而問焉乃輦而植於百尺樓前奇

態百出不知奇章公譜中當何伯仲第平生所嗜得此亦足以奇矣遂爲奇石歌歌之

固公磊砢癡且狂老癖不減牛奇章品花軒前白日靜孤雲一片來何方鏗然墮地不肯去折柱撼軸誰禁當呈身差可七尺許取勢便覺千丈強饒非夜伏熊渠虎亦非叱起初平羊雄視蹲足瘦犀卧老鳳鍛翻垂龍僵劈斲凸凹運神斧羅列窪穴攢蜂房破陣將軍未解甲整襟壯士初登牀廩

不敢投其策秦呈那得鞭爲梁鬚鬣鱗甲欲飛動魑魅罔兩皆潛藏擔舁不假五丁力洗刷似有六鑿鑿襄襄弘老碧防風骨是耶非耶庭中央圍公何以得此寶再拜稽首猶循牆可是狐臣中讒慝出走戀主空傍徨澤畔行吟已骨立懷沙未及沉沅湘育風恠雨任摧剝銅觔鐵脊何軒昂不須剖出忠孝印誰能持作神仙糧鹿豕來遊伴山木爾賓我主相徜徉摩挲可以覓佳句酬對亦是傳清觴平泉子孫浪付囑履道里第徒誇張顛爾千秋常

五色補天何必遇媯皇

載酒小桃源主人重席留憇以詩見投用來

韻却荅

世亦云君殊漫浪元結事妬煞西園伯格長見楊僕傳不

種肥田却種園數椽茅屋桃源上何來載酒西園

公神裏新詩亦俱往杜甫語問君何事賦將歸獨掩

柴扉對夕暉塞耳不聞鼠穴闕寒棠常避靈場威

我為酒民君醉士皮日休事風塵教骨山林氣萬世誰

為楊子雲四海君真習鑿鑿雞黍尋盟莫厭煩篆

米筭去相翩翩為愛主人清夢處一簾山色五千

戊午臘月立春日携諸小婦及幼稚兒孫從

遊西園戲筆

戊午正月春已立臘月又逢立春日一季却立兩

年春狼藉春光費收拾西園望春春可憐驪峯之

下榕溪邊山光水色各自媚綠情紅意殊爭妍園

公不為春煩惱亦同兒女尋芳草夜來微雨灑輕

塵柴閣落葉何須掃為園久擬鹿門山釜鬲宜安



竹石間我好樓居樓百尺移家長欲掩柴關今日  
柴關且休掩老人欲識春風面舊寒未去新暖來  
窺人柳眼微微展芒童昨日街頭遊社鼓逢蠶迎  
土牛春光不作俗人眼先到園公百尺樓百尺樓  
前春似海兒孫競逐春遊隊穿花繞竹舞青幡欲  
與東皇作光彩乍雨乍晴春正濃携兒抱女步芳  
叢孫曾幼稚十七八共手牽衣問阿翁阿翁明年  
六十二小星三人百零四白髮羞簪綵勝花金釵  
却貼宜春字春盤黃韭攢青蒿餅如繭紙滑如膏

素手織織捲片玉甕頭乳壓珍珠槽一婦當筵將  
進酒持螯一婦小垂手分甘亭外鬪春妍子子孫  
孫前致壽凭欄一婦抱女兒眉顰不是東家施勸  
翁再進一杯酒子酌孫斟翁莫辭東喚阿翁西喚  
祖兩兩三三作跳虎一聞梨栗皆向前誰騰似學  
斑衣舞園公捧腹更掀髯起舞欲共春風顛人間  
官爵信如夢眼底兒孫大值錢盤旋共繞庭前樹  
兄呼妹喚頻相語一兒仰面問阿妳今日春來在  
何處阿妳笑請園公聽狡點此子真寧馨園公語

爾春消息雙樹林中鳥一聲又問園公春有幾連  
臂駢肩皆側耳園公別有許多春不向芳菲闢紅  
紫欣欣三婦更持杯共喜園公咲口開不學杜陵  
憨老子逢春猶憶兩京梅吁嗟乎鼎鼎百年皆擾  
擾閒來始覺青春好青春莫咲白頭人白頭能共  
青春老努力須勤明歲耕防饑幸結今季麩翻東坡語

樂莫樂今年斗此日醉花前父祖曾玄同一咲  
寄和石渠陳侯五月七日偕寶安諸縉紳龍  
潭觀競渡詩數欲掃門無因徃役入洛之懷

彌切歸滕之願空懸竊幸揚風欲申就日敬  
步來韻情見乎詞

簸海掀江槌社鼓吠語成雷汗成雨誰纈明霞戲  
作標却引群龍戰華渚馮夷跳盪海若號莫放玄  
黃血如縷盲風吹海山欲摧崩騰不受錢唐弩截  
流破浪萬馬奔疑蹴潮頭神是伍一龍何事拏雲  
來恠底虬螭猜且侮傳聞此日有雙鳧授簡同舟  
皆繡虎牙檣錦纜玳瑁筵海作杯兮山作簾帳前  
山水有清音何必新聲調玉柱兩崖芳葉令公香

一水晴生神女媵誰能湘水吊靈均且向滄洲結

蘅杜風流美政太丘公文章雄伯層城主侯令層

寶安余家羅浮辟兵非佩赤靈符驚坐常揮長柄

塵採蓮歌是駕魚歌遊魚出聽紛無數憐余久作

冥冥鴻從公欲起蹲蹲舞故國移居乞一廛余嘗

地寶安與諸公何日掃門公見許賣文欲買海上

山曳裾且問江頭艣行吟不為賦懷沙相逢且聽

歌胥宇隣壁偷光恤緯人玄酒忘勞苜飯脯非關

歌餗食無魚素箏獨抱歸神武一日千秋四美并

從此龍潭稱洛浦停雲更續舊遊詩去年今日前

無古

### 惠州西湖歌

九州之內三西湖真山真水真圖錢唐名聖果

不妄二高三竺神仙都汝陰勺水胡為爾歐陽太

守移家至續遊不是老門生安得標名在人耳惠

州西湖嶺之東標名亦自東坡公紹聖已非元祐

日惠州豈與杭州同東坡寓惠凡三禩有詩一百

七十二空將藤菜敵萑美江月纔留二百字公寓

西湖者止有新年二句云豐湖有藤菜似可敵蓴羹又江月五首小序日夜起登合江樓或與客游豐湖及桐禪寺扣羅浮道院登逍遙臺迨曉乃歸公之遊咏西湖止此耳而首篇則日正似西湖上湧金門外看湧金錢唐之門也即此五首亦非專為西湖而作此外咏西湖者不繁見矣

投荒白髮臣棲棲數口合江濱却為湖中了公事

故令嶺外苦行吟行吟豈是湖山主不放西湖入

佳句逐臣幸飽惠州飯敢向湖山添口語東坡東

坡真可悲磨蝎生當紹聖時脫離刀几全餘息

到惠州謝表語領畧湖山不在詩公寓惠時有掃除湖山之靈更有說東坡先生果奇絕前知後有西園公

能為東坡補其缺世間清福人最難清福無過湖

與山錢唐汝陰又占斷羅浮亦已窮躋攀且留惠

州一幅畫付與西園細描寫坡公有別後西園湖付與誰之句

老矣可若何年來亦是行吟者生長西湖六十年

半農半圃半漁船持蟹鯢英東坡語烟雨外黑甜軟

他東坡水雲邊一片蒲帆五石瓠六如荒碣三橋

巖峰頭白鶴幾時還月下芳魂何處渡竹岼楊堤

秋止新二二兩兩歌采菱城頭日落不歸去篝燈

遠近如流螢水蒲前鐘一動臨風短笛漁

西園行稿 卷之三 七

輪篙撒網携笊箸網得銀梭爭咲開漱玉灘橫水  
不波蓼花深處荷花多燭龍曉燄射寒玉瀲灩化  
作金叵羅孤棹最宜孤月上水鳥無聲秋沆漭人  
在水壺琴一彈永夜衆山皆蒼響園公更喜雨中  
遊荷聲浙漉漉聲柔烟鬟今已沐西子畫漿何須  
載莫愁萬頃烟波湖一曲人濯其纓我濯足結菰  
懶住羅浮山却向西湖伴幽獨西湖幽獨好誰論  
可是東坡宿種根爲問西湖千載後有人能不補  
西園

九月十二日兒孫扶侍登獅峰醉歸放筆

老人勸力濟勝難老脚却欲常登山尋幽獨往不  
挂杖振衣竟日窮躋攀天南一峰立江面嶺翠萬  
仞雲霞間人言此峰是獅子雲霞若綴拳毛斑百  
獸惟獅雄且武鈎爪鋸牙能食虎域中有虎已擇  
八白骨撐撐莽如堵狗亦學虎殊咆哮嗟獅垂頭  
不回顧更聞上有古靈湫勺水曾將神物貯三年  
吐頷中珠能爲科名卜其數探淵久欲攫其鱗  
底事蹄涔數杯土天飛豈亦常泥蟠穴處能無鯁

鮪侮驪兮獅兮柰若何孤青頑碧空嵯峨羊腸詰

山駕灌木鳥道偏側盤雲蘿呼兒且掃一拳石覆

掌幸有雙仙螺燹臺拾薪炊不托胡餅也見炳焯

敲石烹酥陀菜羹也見楊誠齋詩側弁先瑩跪進酒稚豷繞

膝歌篴篴東來兩水皆西注跳波却送斜陽去兩

點東西未了青羊城烟翠鵝城樹扶胥海口羅浮

西孤刹亭亭屹大柱我曾夢草新宮路西望蓬萊

杳何許六鰲已駕二山來樹擁雲歸不知處歸雲

釀雨雨不飛撲衣雲片疑春絮前山雨過後山晴

雨逐雲歸人逐雨眼力却咲脚力慵酒魔轉苦詩

魔攻重陽昨日妬風雨今來我欲乘蜺虹屐淚已

破螺子綠雲髮咲挿萸房紅誰云登山災可避我

却踟地途終窮有憐數道樵人虎憑誰喚起蟠泥

龍吁嗟乎東華塵土北窗風草露石火將無同兒

曹慎莫負老脚得酒便把金芙蓉相期歲歲千秋

日日日同登獅子峰

旗峰歌七十一韻為八睡先生七十有一壽

凡五百有六字願以一字為一歲先生得無

見少乎

黃旗之峰高插天，孤根直與羅浮連。雞鳴見日飛  
雲巔，旗峰曉色開寒烟。東西相望朝羣仙，飄輪羽  
駕紛踰躔。已未日次析木躔，南極一星光燦然。華  
堂綺席陳嘉籩，中有仙人來兜玄。大兒李耳小僮  
侏，手持玉簡河陽篇。上真記尹壽堯玄圃人爲唐  
堯師，若河陽著書李耳道徒  
經其所授也。僮  
侏亦其第十厭離紫極隨塵緣，逍遙汗漫南海  
邊。玩弄造化從心季，海屋一籌今已添。憶昔壬子  
羅英賢，煌煌桂籍青瑤篇。七十五子手揮鞭，惟君

獨擁梢雲旃。嗟余夙愛弟，曾隨肩篋揚。自愧糠粃前  
風塵，岐路良匪一運籌。劍欲缺，貂裘穿世人。但市政與  
瑞至寶，不入波斯船。君旣捧檄懷芳荃，我亦索筆  
從花磚。清如水壺直如弦，安得拱手乘高佃。索瓊  
茅兮以筵筭，白壁易玷瓦易全。君歸抱犢遼東田，  
我歸抱壘於陵園。我輩豈受時人憐，不須復與天  
公戲。盈盈一水清且漣，孤帆短棹時來還。蘼中一  
經獲麟編，兩家子姓同鑽研。相期携手排冥筌，婆  
娑二老日盤旋。永矢勿遺乾餼，憇憇憐余蒲柳彫。常

先頂禿齒豁臂枯偏君多十歲髮初宜炯炯崑崙電  
方瞳懸聲如洪鐘何碎碩走及奔馬充鮮扁玉屑  
霏霏天口駢縱橫綵筆驚四筵忘機浪跡混市塵  
裹足却避富兒羶乞言問俗車嘲嘲有筆不擁衣  
裳顛嬾庵主人然無禪請君且去我欲眠漆園蝴蝶  
蝶長翩翩且晝不牯氣乃專嬰鏢哉翁金石堅季  
來我亦腹便便吁嗟未社壺丘權華胥之國無郵  
傳高睜兩眼行蝟蝟願得美酒斗十千相逢莫問  
巖中纏何必西陵陌與阡舉杯再拜申一言壽莫  
壽今黃旗之峰高插天願君與之無崩蹙

巫霞詩爲錢唐友人馬稚彬贈妓賦

何許呼來校書女說在西樓最幽處近聞學弄錢  
唐潮欲伴靈妃戲江渚教成歌舞費千金臨風悔  
作濡泥絮背人嬌轉癡向人愁不咲微微欲語頻  
相覲別有一種閒情緒不是巫山雲不是巫山雨  
疑是陽臺一片霞雲情雨意難憑據襄王已老夢  
不來好傍錢唐蘓小任柳梢殘月曉風時乘潮請  
向錢唐去



舊雲歌再為錢唐馬稚彬贈妓賦

觥籌交錯麝蘭薰請君聽我歌舊雲霜風昨夜吹

香氣江文通語冉冉飛落珠江濱芊綿草色日初曛化

為雲兮碧氤氳兒名舊雲美無倫我言雲兒天之

孫兒言雲是花之魂蘭心蕙質清且芬意近體遠

濃淡勻戲着臨邛犢鼻禪梭齒偶折逢謝鯤懶向

人間刺繡紋徵歌逐舞日温磨雙蓮微動湘波裙

留身顧影何逡巡沾嬌笑弄榴花尊欲別不別時

子古呼憨聾顛語誰忍聞馬明生即雲中君雲兮

歸老姥墩錢唐有裴氏姬晉初居此墩採百花露酒白頭太守王右軍

有詩不賦鴉之奔掘頭船子兩槳分不如歸去聲

用韓叔捷大叅人口韻恍惚

如何今日人為日此日為人真可惜日為禽獸人

皆知禽獸為人人不識安得日日皆是人闍棘免

歌憂同極

先兩月常乘漲訪桃源主人不遇題名抱犢

門而返復用前韻補闕

老松作濤竹作浪桃花源頭水新長兩槳船子一

2  
西  
三  
三

西園雜詠 卷之三  
三  
老公青瑤歷歷寅緣上此日思君君不知訪柳尋  
花成獨往抱犢門前題鳥歸漁歌何處鬧斜暉枯  
槎斫岸走蜥蜴沈梗罌樹蹲伊威榻懸誰下南州  
士咄咄空高湖海氣休將頭領噉名兒玷我老缺  
殘牙齒山陰雪棹亦復煩白雲爲你長飛翻欲問  
西園招隱意溪花能咲鳥能言

乙丑獻歲三日口號代柬迎里中同社君子  
天上招搖今指坐人間遺老稱朋壽人言舊歲不  
如新我道新人不如舊新人休說笑韶華舊人休  
嗟成老醜曾見韶華易銷歇若羞老醜非長久小  
園寒褪花欲然小院晴多春似晝巧笑迎人洞口  
桃柔條掃徑溪頭柳爲語乘春好杖藜且去尋芳  
共携手請君莫棄舊時人好我同傾新歲酒

續荔枝

嶺南今歲荔枝絕無佳味亦大異矣偶讀  
東坡先生海外集荔枝嘆戲用其韻而續  
焉余友人韓緒仲酷嗜荔枝因以相示或  
亦共發此嘆也

華清玉骨化作灰頰虬不受蠶雨催聖僧已捧火  
齊至絳襦仙人殊未來去冬嚴霜擊炎海迸碎虬  
珠春不綵紅雲陣裡無星苞須使南珍闕今載南  
珍自古徧南州甘香絕勝閩與涪若令今歲是元  
狩舉酒何須酬伯游天生尤物婦天子豈必一物  
成瘡痛獻珍貢異誰問瑞與妖但願無妖卽爲瑞  
翰林主人五雲芽人間烟火不敢加自言一斲三  
百顆天漿玉液不數盧仝茶東坡亦言本爲口食  
指君能無動耶請君莫過方陳家不如來看西園

燕

蘇汝載乞食歌

閒閒道人真可憐非儒非佛復非玄兩隻青鞋徧  
大地一雙白眼撐高天半世生涯三寸管欲把千  
秋常占斷相逢便說肝膽傾何事逢人遶河漢腹  
中樣子不合時如君安得不苦饑呀嗟人間何食  
不爲乞富貧貴賤總是播間兒萬錢不下君一第  
萬鍾不下君一粒歸來裹足閉重關滿日青雲不  
可攀持鉢望門緣底事纔說開開便不開乞食曾

聞陶靖節五斗能令腰便折昌黎一飽嘆無時枉  
却冷腸頰觸熱謝仁祖勝陶胡奴有食可就非吾  
徒三那之庵在何許高誼雲天五大夫  
陳廉察參藩劉廉  
察韓翰檢蘇明府勸君乞晝莫乞夜未必宰官者  
皆捐庵資伍拾兩長者百季已結善懽緣眼下雄名何必借播聞乞  
態日日新自笑園公乞更頻欲向千秋乞一物不  
知檀越是何人

問水歌

嗟余讀洪範恒雨亦咎徵問雨何以恒有聰不能

聽咎急故謂寒厥極無乃貧天啟五年秋七月  
金已半先天日月皇天降割何不仁降割獨先余下  
邑顯顯神君聽最聰優優仁政岑非急永哉胡然  
不潤下金不收兮藏氣失人言黑猪曾渡河月雖  
仰瓦未離畢何事滂沱七晝夜多丁商半號颶颶  
鐘發雷車駕陰帝神鞭黑風吹城城  
已摧黑蜈翻波波欲立海底卷上天中央水夷起  
舞老蛟泣金烏鍛翻天始煉崩雲潑墨如暗懸其  
工無計竊帝壤女媧不復填蘆灰離峰象嶺已搖

足浮山又欲還蓬萊東崗為磈不可繫畫鼓夜盪  
將摧頽四百君無大力負我且挾爾同上崑崙臺  
回頭揮涕問城市縱橫大陸龍蛇起弘農不遇公  
沙穆刺山合窾何日死朝驚東陌變空桑暮詭西  
壓同瓠子懸釜枝頭哺鷦鷯架巢屋角聚魚婢神  
君一葉犯洪濤為聽數嘖歌三五劫窮未種羅浮  
山竟日呼庚不並矣為疾之室必漂萍溝壑一時  
無汎骸公序休誇蟻渡功尊僑應媿乘輿惠老農  
會賦省耕詩書為歛買棺燥厥壙嗚呼車不滿願

穰穰更祝如京坻忽聞屏翳括新穀春殺更作春  
蛾飛竟聞玄冥稅青苗秋苗復逐秋濤馳四境四  
民兵不造一日一足常相隨秋斂前年已苦曠春  
畊去歲曾啼饑嗟今春畊又秋斂粒粒盡貢無支  
祈醫瘡已剗眼前肉負薪更苦毛無皮前年不及  
今年苦今年復抱明年悲仰事俯畜不必問舊賦  
新稅誰能支師行糧從急如火仰左縣官無復之  
室罄欲賣無丁男呱呱僅有懷中兒柳州魯說寧  
捕蛇盈之尚欲月攘鷄手援胥溺出魚腹蒲鞭忍

西園存稿 卷之三  
復加瘡痍稽首神君眞樂只民饑民溺思由已請  
蠲請貸請民命勿謂君門常萬里倩誰爲扣虎豹  
關何日滄洲見黃紙吁嗟乎杖藜泣血迴白頭且  
向西園歌問水

日昇霞舉詩爲邑侯袁谷孫公覽揆而賦也  
侯以壬戌秋八月分城南海以乙丑秋八月  
課結羅浮時都御史臺御史臺未獲交承故  
侯之最未上而璽書未報八之日則侯之覽  
揆也羅浮之父老子第一則以喜矣吉禱善

事巧於相值如此惟侯以文事飾吏治以美  
意行良法求之兩漢文苑循吏傳中荼已前  
無一人不肖營營以二曹起而於侯之德里  
縞帶之懼蓋世講焉故侯式廬則詩鑣輟輒  
問俗則解帶開襟東閣吟花右簡必授南樓  
對月無酒不同形骸盡拊肝膽相照蓋誼爲  
君民恩爲父子矣去歲是日侯方校士棘闈  
康爵未舉問者犬馬之辰侯輒先施珠玉以  
勗蒲柳而貴衡茅旣非拍塵所能明報萱更



象嶺鸞峰圍紫氣五色雲中四百君  
駭鸞駕鶴乘  
鸞輪一君爲侯祝一歲華封三祝何足云  
山靈桑  
麻春百里壤父康衢歌樂只已知  
遐算壽如山祇  
是一官清似水官清似水樂難支  
更進榕溪水一  
危殮水茹葉兮肺腑不受一塵染  
寢昌寢歿兮斯  
年億萬以爲期西園遺老九頓首  
請誦日昇霞舉

詩

秋日豐湖宴集田伯善少叅汎舟候月縱談  
玄教見貽使面詩畫次韻賦答

瀨氣蕭澄泐在藻波跳魚遡月車  
鶴馭來壇都鈴閣秋新戟集烏會握幾衡  
懸水鏡窮搜海岳披蘿岡乘主植壁嶺雲東紫氣  
臨關正鬱葱玩弄金鎗漱沆瀣雕鏤玉斧驅神工  
燕市憐余曾擊筑出守夜郎懸抱蜀自知後世玄  
爲揚欲免今時佞非祝黑頭上公殮九霞咳唾九  
地光明沙濯鬼水壺已湛月凌雲彩筆今生花爛  
霞老我亦成癡曳裙不作歌魚客鼎邊雞犬自  
人何日相携同菽宅



送吳養志明府擢任之建昌

使君昔任飛雲峰  
桃花蒲地皆春風  
使君今遊飛猿嶠  
寂寂桃花生綠蔦  
綠蔦牽蔓蟋蟀鳴  
野人走看車彭彭  
石岡老父持錢送  
麻源兒童拍掌迎  
螭碑百尺世不改  
行人指點淚如漉  
我思使君君再來  
榕溪明月長相待

贈友

翼軫之東金天開  
石樓紫洞分蓬萊  
溟渤吹成五雲氣  
素女削出蓮花臺  
蓮花臺閣中天起  
五岳三山宛相似  
絕頂翻迴日月車  
飛泉上接星河水  
飛泉絕頂相狎沿  
鉄橋直與東瀛連  
側岸倒映崑崙崑  
崑浮雲西入蒼梧煙  
我臨夜日望滄海  
紫氣猶疑仙人  
人在三十二峯冠  
簪明蕩清嵐  
藹遙相待金萱  
花幾回拂玉檢  
遺章不能盡  
游龍爲首玉潭空  
鶴重來海桑綠  
我入羅浮久  
歲華君遊豫章早  
迴車飛雲峯上  
振衣處共揖丹丘  
弄彩霞

贈曹子野

子野遊吳昌益以余爲地主也乃不具其案

裝及索詩贈又長安所久逋者居兩月復不能得一語此亦有命以左之耶子野曰有命夫阿賭物固與曹生左子之詩豈亦左曹生者泊舟關門必欲得之乃去時啓閉紛拏不得暇聲偶乃走筆賦而發之竟不能工夫詩之工拙亦有命哉一咲

古人之生皆紀日卽以其日命其名商人之興帝天乙日丁日甲丙與壬我生之辰日安在談命主日古足徵史於方冊稱日者日官底日以居鄉後

世流傳作命術虛中李氏徐子平維楚有才曹子野獨於刻數其精時有十二刻凡幾一刻一分

濁與清貧賤富貴壽與夭百不失一聞者驚嗟余

陸沉混塵垢憑君沙滌淘清冷子平書名手按甲

子六十珠特講手按卒樹花同發殊枯榮吾

衰不復爲世用甕蓋未遺心屏營樂日常少苦常

多力問命答難舌爭劉盧同生年月日兩家半酒

賀客并當時子野幸在門若爲分割談官星西門

北宮君試看丈夫如投瓊脩身以俟求在我

一委於天獲弗耕

贈別謝垂之館賓解帷還寶安

清音閣下江如練五色飛來雲冉冉誰懸絳帳簾  
春風高霞萬片供駟染毫揮紙滯人皆驚前身可  
是謝宣城龍氣漸看輝北斗鵬搏猶未徙南溟驪  
峰主人陶靖節犬子豚孫總癡絕年來不覓粟與  
梨相携共立程門雪籟中有經傳素王焚膏繼晷  
聲琅琅安得隨君舉六翮翩翩天路相翱翔滿帆  
不繫榕溪樹咲擁臯比何處去願君莫忘百尺樓  
時時寄我驚人句

西園公清福圖歌

此中有人人不識半生清福世難匹出門不問陰  
與晴兩鬢蓬鬆常戴笠路行不問平與陂兩腳屐  
踏惟着屐不問豈畏行泥中褰衣却似防荆棘  
茫天地大如許爾狀胡爲偏跼踖共說前身是  
星目光炯炯能射人便便腹中何所有有物不合  
時人情相逢開口但長笑如狂如醉如頑冥年過  
十百未爲老自嘆避人胡不蚤徬徨四顧將何之

西園存稿 卷之三  
四  
土木形骸殊潦倒豈從湘水問三閭豈向商山尋  
四皓接輿荷蕢豈爾徒易殺飯牛何足道有母有  
子且有孫饘粥有田居有村獨無朋友及兄弟一  
形一影相盤桓無名無字并無姓不衣不履亦不  
冠非儒非老復非佛寤寐周孔懷璵璠有時焚香  
讀內景有時合掌飯空門好水好山時汗漫漁人  
讓澤耕讓畔入羣鳥獸皆不驚愛憎何事猶相半  
天之君子人小人呼馬呼牛那可問此圖一出滿  
堂哄亦知狀貌非九庸廟廊城市無此輦烟霞丘  
壑時能容按圖試去問老圃老圃不識問老農溪  
邊老漁拍掌問戴笠着屐來何從春夢淩子却驚  
答可是學士蘇坡翁世人爭欲問其狀暗中摸索  
難爲工清福古今只有兩是耶非耶將無同吁嗟  
乎是耶非耶將無同東坡老子西園公

兵車行次杜少陵韻

車鱗鱗馬蕭蕭黃金壓肘玉垂腰入山直探虎豹  
穴跨海喚踏鼉鼉橋千金苑士勇百倍叱咤勝氣  
皆籠霄拔高不是犒師人馬邑犇壹空頻頻去年

殿前戲拔河今年塞下歌原田健兒夜夜望太白  
太平宰相今乘邊魏絳五利亦徒爾柎載金繒何  
日已胡茄且莫奏涼州請聽人歌圃生杞屠者久  
已連車犁黑水之東青海西乘軒空謂衛懿鶴蘊  
火誰放田單鷄衛律不可問翁侯何足恤搏沙豈  
市人執水嬉士卒三北耻未雪六奇計安出不惜  
頂踵捐且闔身手好坐致昇平荅至尊帶礪河山  
非草草君不見貳師祠前句山頭黑雲壓城凍不  
收鷓鴣食椹響未革啼飢百鳥空喧啾

喜長安解嚴次杜少陵洗兵馬韻

旄頭夜落瀚海東喧騰凱唱來渾同瑠戈自是臥  
宣榭鉄馬不復嘶口中祈父借籌數躡足將軍坐  
樹不言功藁街未懸郅支首楛矢先獻明光宮何  
用徐行幸細柳不須遊獵擬崆峒六龍已捧躍淵  
日萬里誰乘破浪風王母益地乾坤小梯航萬國  
猶言少舌人爭請指南車旃塗畢勒煙波杏四門  
常關庶尹諧坐使痴兒官事了三川曾頌黃河清  
千乘更言巢鳳鳥青雲千日復連月非烟非霧常

縈繞解鞍山積漢營空枕戈雷軒胡天曉大散嘉

陵已兩當

大散嘉陵兩關名故漢置兩當縣

李陵錯作右校王拊

髀忽赦雲中守四夔崩角皆離強子管從公于邁無

小大執箠君子招由房特拜璽書頒鉢露金橫賜

補裨佩冰蒼鸞律清宵閱度索豐隆赤日馳方良

惡鬼名見張衡賦

千年寶露滲九有八極和風遂百昌却

馬焚裘長罷貢君有守兮行有送轉憶前年沃蕉

釜那悔一時將漏甕

見史記趙世家

麟閣今圖屬國形浯

溪再刻

頌卑于馬足不敢縛

見漢書武帝紀

輪臺沃

壤何須種曾聞赤蛟綏載歌復說玄狐裘入夢天生五材誰復能去兵聖人必不得已而後用

庚午守歲戲筆

西園公無名氏老向人間亦徒爾六身二首是耶

非人說明朝七十四七十四可若何一不為少百

不多踽踽涼涼心悄悄行吟澤畔空婆娑觀面相

逢人不識縮踵却行猶畏跡莫恠窮猿好擇林自

是放豚難入笠非仙非佛亦非儒半農半圃半樵

漁有時冠履自桎梏兒童笑唾鬼椰揄自惜當年

好身手轉瞬如何成老醜頭童齒落面凍梨兩足  
蹣跚柳生肘目昏耳聩非故吾掉頭不受人招呼  
昔爲長物今棄物止有一口常胡盧終日胡盧有  
何意傀儡登場滿街市一雙白眼瞪不開兩豆何  
妨墜塞耳尚留一腕能匠心賦成不換長門金據  
梧時讀太昊易擁膝惟賡梁甫吟今夕何夕云除  
夕兒女燈前皆繞膝杯酒椒盤爭獻翁願翁百歲  
皆康吉翁言爾且打灰堆如意今從彭蠡來餽糴  
請共醉司命沿街更莫賣痴瘵痴瘵還與阿翁買

買得痴瘵長自在痴瘵若早還何敢胸中常  
磊砢問翁何事耳失聰鵠冠免洗將無同爛爛欲  
收若下電得無負此青方瞳知翁視聽故無患聰  
明自誤常嗟嘆雷霆過耳若罔聞不放乾坤入吾  
眼阿翁好語聽與孫今宵婪尾須盤桓李叟深宵  
喧曝竹山獠白晝如雲屯虎皮金目竟何益自昔  
高明鬼瞰室且將竿燎照污邪共祝明年瓶滿粒  
兒孫酒罷休嗷嗷副在名山付汝曹有口須吞  
讓炭爇飢不乞於陵蠮園公名氏亦難記交絕

窮踪跡秘但聞常入鳥獸群不驚可是崇禎國年  
混沌氏

又吊朝雲墓用陸岱瞻明府韻

君不聞死同穴兮室異穀溫柔鄉卽迷香窟浮花  
浪蓋何燁燁安得餘香長不滅前身曾遇楚襄王  
陽臺一別無消息嗟爾芳魂誰待妾得侍東坡情  
自別生 西湖兮方待年來惠西湖兮遽永棲  
禪寺卽六和塔何必首丘尋故宅始信紅顏真薄  
命信根淨業皆前定嗟樂山他總是空六如不用

重相訂登幕沾泥同一律身坡情痴非在色三三  
橋畔日飛花爲觀芳魂戲綵霞鶯啼燕語春常在  
休將日影問寒鴉西湖新主謫仙人種得桃花萬  
樹新鳴琴多暇喜憑吊綵毫獨與坡公賡尋芳覓  
句日霏玉一見西園眼又青胡爲乎一見西園眼  
又青

其霖歌爲郡大父荆侯禱雨有應而作也時  
余方課耕於朱明洞口歌雲漢者數矣一旦  
雨公田以及我私伊誰之賜乃鼓腹而歌其



霖以竊效大田之詠因假筆硯於冲虛觀主  
書其左壁請侯磨崖庶觀風者得詳覽焉

羅浮之陰豐湖濱黃童白叟何欣欣舉手加額且  
傾耳聽我老圃歌甘霖天啓二年秋七月滿地渴  
鳥啼不絕蚤稻登場僅療飢晚稻未種秧纔半噉吁  
嗟今民亦何辜五月不雨六月和藴隆蟲蟲既太  
甚上原下隰皆焦枯月已彎弓仍兩額雷車不踏  
猪龍宅可是天公雨禁嚴馬鬣瓶傾無一滴三部  
營郵才且賢獄無東海上虞冤土不點水陰或閉

水豈干土陽恒憊他歲曠荒猶自可曠荒今歲痛  
殺我宿逋督促充軍需登稅勾呼赴官課一年耕  
鮮兩年藏三年肉補一年瘡今秋無年便無肉千  
瘡百孔難禁當瞻叩昊天寧莫聽誰爲何辜民請  
命神君慈父有荆侯日旰輟食宵輟枕輟枕深宵  
獨攬衣侯曰民飢由已飢山川羣望已遍走內庭  
露禱長歔歔灼膚烈日不可邁自宮徂越三十里  
却輦撤蓋暴日中面目如焦足應痕一步一禱汗  
一揮揮汗成雨雨雨仰隨東隅日出正杲杲西郊雲

密已垂垂頃刻垂雲紛四布社公社毋爭呵護盤  
敦不用斬蒼鷺甕水何須浮蝸虎抽針擢穎遍周  
原東阡南陌笑聲喧共道十旬無破塊爭驚一雨  
便傾盆不是珠不是玉此是膏脂千萬斛私債完  
官租足十城枯骨皆生肉荆侯一德格重玄天公  
降監民徼福此福誰能旦夕徼上格重玄有六條  
拯溺救焚懸已解布新除舊瑟常調我侯下車纔  
半載親賢樂利垂千載受塵幸是聖人氓永賴天  
公仁且愛君不見扶風太守喜雨亭未聞一禱通  
神明一雨三日何足言神功自合歸冥冥今秋有  
年實侯賜多魚有夢歌盈止奉此神功何所歸歸  
我荆侯千萬祀白首青山植杖翁甘霖歌罷樂融  
融願言百室皆盈堵共去磨崖西百峯

壬申冬韓宗伯止園賞梅花文歸讀蘇文忠

公十一月羅浮松風亭梅花詩次其韻再賦

尋芳何必羅浮村芳林自足留芳魂主人愛花更  
愛客折柬投轄無長昏青衣不入終南徑玉骨豈  
貯華林園萬紫千紅已銷歇孤芳誰與相寒溫天

香國色迥獨立趨炎咲彼迎朝暎師雄一夢不復  
返孤山處士時到門廣平相公有佳賦天桃穠李  
噤無言東皇着意勿輕擲西園日日能移樽

次日小園看梅花獨酌再次蘇韻

羅浮梅花別有村白頭村主招花魂幽香萬斛媚  
幽徑皎皎不受纖塵昏芳名可入石湖譜孤踪獨  
寄於陵園攀枝嗅英轉芳烈迷香何必誇春溫誰  
向城頭嘆搖落三疊畫角東方暎春光豈欲漏消  
息不尋朱戶尋柴門瓊瑤滿樹入鼻觀天香沁骨

誰為言汝花有神更有意臨風卷心戀西園樽

小園梅落又次蘇韻

歸雲忽失溪上村冷月婁斷梨花魂姑射仙人太  
無賴散步衝寒烟樹昏崔國輔詩暮  
蒼烟樹昏棠駝驚報雪

滿地下帷老心來窺園玉鱗片片香馥馥商氣雖

播難收温湛方生賦秋夜清自  
兮播商氣以收温揉冰擲玉點池水

龍涎盡吐渾温暎蘇文忠和  
已作龍涎吐轉愈詩池水暖温暎

芳名豈讓湘纍佩玉奴已謝東昏門蘇文忠又梅  
花詩玉奴終

不負幽期信是歲寒伴馨香自媚誰能言對月巡

西園存和 卷之三  
簷萬籟寂惟我與爾同孤樽

蘇文忠公羅浮松風亭下梅花詩凡三章皆一韻朱攷亭和李伯玉梅花詩及得元履書前後賦梅花亦三章皆蘇韻也余因次其韻亦得三章不知可繼文忠攷亭之後以唐突花神否

鳩逐婦有感而作

萬斛春光百尺樓陰雲忽布風颼颼芳草迷烟滿  
林雨凭欄喚問林中鳩天生爾鳩性固拙汝夫汝  
婦亦奇絕雨即逐婦晴喚歸一逐一喚有何說人

問夫婦豈爾禽偕老齊眉無二心好合何人肯逐  
婦請君常誦白頭吟

路行難丙子春三月寄懷陳集生宗伯

難行路路行難荆榛荒穢已盈徑豺虎咆哮今滿  
山問君胡爲乎朝看壁暮尋關棲棲道路足蹢躅  
風塵一墮自紛擾日月已逝難追攀儀秦旣悔日  
傳食韓彭亦悔常登壇何如眼前一杯酒使我日  
日開心顏勸君回頭早裹足吁嗟乎難行路路行  
難

丙子三月三日用杜少陵韻

百尺樓前春正新  
天公有意娛老人  
長林豐草樂更真  
花氣芬芳草色勻  
開門掃徑邀青春  
衰年有夢仍綬麟  
書長何所事如澠  
美酒時沾唇酒罷  
何所之孫曾四五  
常隨身殘山剩水  
日相親墻東避世  
非避秦舉頭嘆彼  
啣蘆雁鬪身喜若  
縱壑鱗有時溪邊  
閒濯足有時石上  
閒垂綸瓦盆石鼎  
無纖塵黃梁春韭  
殊甘珍陽春有脚  
花有神尋芳常涉  
桃花津花下持螯  
日幾巡窪尊泥飲  
草鷄茵唾壺閒擊  
歌米蘋輓酒尚有  
頭上巾坦蕩蕩今  
不知何以擬其倫  
難窺測今生平不  
喜亦不嗔

丙子楚警解嚴用李長吉鴈門太守行韻

妖氛欲淨旄頭摧  
陣雲萬里劃然開  
將星爛七五雲裡  
血流漂杵楚天紫  
枕戈雷鼙瀟湘水  
日已三竿猶未起  
指揮能事皆如意  
十萬義軍無一死

日本和

卷之三

三

